

雜病源流犀燭

沈氏尊生書卷二十

雜病源流犀燭

瘟疫源流

沈金鰲撰

瘟疫時行病也。類于傷寒。春夏秋三時俱有。夏秋更甚。皆因天之風雨不時。地之濕熱鬱蒸。鬱蒸之氣。延及人觸之而病而死。于是更增一種病氣。死氣相漸染。犯之者。從口鼻入。抵臟腑。溷三焦。正閉邪盈。因而陽格于內。營衛運行之機。阻于表。始必惡寒。甚而厥逆。迨陽鬱而通。厥回而中外皆熱。昏沉自汗。此時邪伏膜原。雖有汗熱亦不解。必候伏邪潰表。氣入內。精氣達表。戰慄大汗。邪氣方出。脈靜身涼。猶或伏邪未盡。亦必先惡寒。再發熱。至于發出方顯。變症其症或從外解。或從內陷。外解者。發煩戰汗自汗。內陷者。胸膈痞悶。心下脹滿。腹中痛燥。結便秘熱。結旁流。協熱下利。或嘔吐。

外感 瘟疫

卷二十一

惡心譫語舌黃及胎黑芒刺等症脉則不沉不浮而數日夜皆熱  
日晡更甚頭疼身痛忌汗與下宜透膜原之邪宜透原飲若見各經加  
引經藥感輕者舌胎薄脉不甚數此必從汗解如不得汗邪結膜  
原表裡不逆亦不可外逼強汗感重者舌胎如粉瀆藥後反內陷  
舌根先黃漸至中央邪漸入胃矣須下之宜達原飲加大黃若脉長洪而  
數大此邪適離膜原欲表未表也宜白虎湯舌黃兼裡症此邪已入胃  
也宜大小承氣湯邪之離膜原每因元氣厚薄為久暫厚則邪易傳化薄  
則邪難傳化倘本有病又感邪能感不能化安望其傳不傳則邪  
不得去日久愈沉切勿悞進參芪且疫之傳有九總不越表裡之  
間一為但表而不裡二為但裡而不表三為表而再表四為表裡  
分傳五為再表再裡或再表裏分傳六為先表後裡七為先裡後  
表八為表裡各偏勝九為不論表與裡其初發必重此九者之名

目既審而九者之症治可詳。曷言乎但表而不裡也。其症頭疼身  
 痛發熱似畏冷。穀食如常無裡症。此邪傳外由肌表出。或斑消或  
 汗解為順。輕劑可愈。有汗不透而仍熱者。宜白虎湯有斑不透而仍熱  
 者。宜舉斑湯有斑汗並行俱不透者。宜泰用白虎曷言乎但裡而不表  
 也。其症胸膈痞悶欲吐不吐。吐亦不快。宜瓜蒂散若邪傳裡之中下。心  
 腹脹滿不吐不嘔。或燥結便閉。或熱結旁流。或協熱下利。或大腸  
 膠閉甚。或有再發三發者。俱宜承氣湯曷言乎表而再表也。所發未盡  
 膜原尚有隱伏之邪。故隔數日再發熱。脉洪大而數。及其解也。斑  
 者仍斑。汗者仍汗。甚有至于三發四發者。宜清熱解肌湯曷言乎表裡俱  
 傳也。其始邪伏膜原。尚在半表裡二症俱現。必先令裡邪去。自能  
 達表。或斑或汗。隨宜升泄之。病退而熱未除。膜原尚有未盡之邪。  
 也。宜三消飲若分傳至再三。照前治之。曷言乎再表再裡。或再表裡分

傳也。此亦病氣如此，非醫之疎于救治，病家之失于調養也。宜酌用清

熱解肌三消飲 普濟消毒飲于。曷言乎先表後裡也？其始但有表症。宜達原飲 其繼脉

大且數自汗而渴，此邪離膜原未能出表耳。宜白虎湯 迨邪既從汗解

三四日後仍發熱。宜達原飲 至後反加胸滿腹脹煩渴不食等症，復傳

裡矣。宜達原飲 加大黃 易言乎先裡後表也。其始發熱有裡症，下之便愈。

後又發熱，反加頭疼身重脉浮，必當汗。宜白虎湯 服之不得汗，液枯也。

宜白虎湯 加人參 即解。若大汗大下後，表裡症悉去，繼而一身盡痛，身如被

杖，脉沉細，此汗出太多，陽氣不用，骨寒而痛，非表症也。不必治，陽

回自愈。曷言乎表裡偏勝也？膜原伏邪發時，若表症多而裡症少，

當治其表。裡症兼之。宜達原飲 加枳實 大黃 若裡症多而表症少，但治其裡。

表症自愈。宜大柴胡湯 曷言乎不論表裡初發必重也？蓋以邪有行有

伏，正傷寒行邪也。故依次傳經，或汗或下立解。若疫邪則先伏後

行始伏膜原營衛所不關藥石所難治及其發時邪毒張熾內浸于腑外淫于經營衛受傷諸症漸顯然後得而治之方其浸淫之際邪毒在膜原此時但可疏利使伏邪易出宜香蘇散邪既離膜原乃觀其變或出表宜達原飲或入裡宜白虎湯然後可導邪而出邪盡方愈不得初發方張卽爲驚愕無措也古人云瘟疫莫治頭癆怯莫治尾其始但使邪毒速離膜原便是治法全在後段識得表裡虛寔緩急重輕不致錯治自可全愈若久病後老年人酒色輩又加瘟疫自難支矣此瘟疫九傳症治也而其詳更有可條分縷析者蓋疫邪爲病有從戰汗解者有從盜汗自汗解者有無汗而全歸胃者有大汗熱渴終得戰汗解者有胃氣壅抑必從下而得戰汗解者有汗解未盡三四日復發熱者有發黃因下而復熱發斑者有發斑卽愈者有裡症急雖斑不愈者凡此皆尋常之變又有局外之

變男子犯房事熱邪乘虛陷下焦以致夜熱便淋溢小腹脹用導

赤五苓不效者宜大承氣湯小女子經適來適止失血崩帶及心

痛疝氣痰火哮喘凡此皆非常之變要之因疫而來他病但治疫

為要有一二日舌胎白早服達原飲舌色變黃并胸膈滿痛大渴

煩躁此伏邪傳裡也宜達原飲下之煩熱稍減晚又熱躁舌全黑

刺鼻黑煤此邪毒癩胃也宜大承抵暮大下夜半當熱退次早舌

刺如尖一日三變因其毒甚故傳變亦速用藥亦必緊緩劑則無

救矣有初起脉數未至洪大邪尚在膜原止宜達誤用白虎湯者

必不能破結使愈或邪入胃必宜承誤用白虎湯徒伐胃氣反抑

邪毒致脉不行反變細小勿更誤認陽症陰脉妄言不治因不敢

下急宜承有表裡傳變無定者不得拘先解表後攻裡之說蓋邪

在裡裡氣結滯不得外達即四肢未免微厥雖發汗不得愈必解

其裡

宜承氣湯

裡氣一通多有自汗解者設下後脉浮而微數身微熱

神思不爽此邪止浮于肌表也

宜白虎湯

便色清便蒸蒸汗解若下後

脉數而空此則虛也

宜人參白虎湯

補之即汗解下後脉數而浮原當解

至五六日無汗脉症不改此因數下血液枯正氣微也

宜人參白虎湯

以涼解即得汗裡症脉沉下之改浮今不得汗二三日脉更沉者此

膜原之邪仍瘀到胃也更宜下之或又脉浮

宜白虎湯

自愈或裡症下

之愈幾日復熱非關飲食勞役乃膜原之邪復聚仍當下之但制

輕劑耳有應下失下口燥舌乾而渴反熱減四晝時厥欲就煖此

陽氣伏藏也既下厥回脉大而數舌上生津不思水飲此裡邪去

而鬱陽暴伸也

宜柴胡清燥湯去花粉知母加葛根

有下後二三日舌又生胎邪未

盡也再下之胎刺去煩熱留更下之已愈數日復熱復胎更下之

勿忌生疑失治但其間或間日一下或三四日一下或下二日間

一日其後輕重緩急或應用柴胡清燥湯或犀角地黃湯或承氣湯與多與少亦皆治法若不明必悞事有下後已愈腹中有塊按之痛常作蛙聲氣之升降不利此邪雖除宿結未清也不可攻須善調養常食粥結塊方下或堅黑如石又有病氣促月餘塊方消者此無形之結也看下後已愈大便十數日不行時嘔此名下膈蓋下不能通必及于上也必使宿垢盡下宜調胃承氣湯嘔自止切不可補總之疫邪貴早下但見舌黃心腹脹滿乘氣血未亂津液未枯即當下之宜承氣湯不得拘下不嫌遲之說蓋疫氣多濕未便即結非如傷寒必俟結定而後攻也凡疫邪傳裡遺熱下焦小便不利邪無輸泄經氣鬱滯其傳為癰身目如金或用茵陳五苓散不效乃胃家移熱必以大黃奏功宜茵陳蒿湯凡疫邪胸滿喜嘔腹不滿欲吐不吐欲飲不飲此邪與痰飲結滯也必吐之宜瓜蒂散凡疫日久失下

自利純黑水晝夜十數行口燥唇乾舌裂此熱極旁流也宜承氣湯去

其宿垢頓止凡胃熱失下經氣為熱所鬱而為黃熱更不減搏血

為瘀是因發黃而為畜血非因畜血而至發黃也但畜血一行熱

隨血泄黃隨泄減矣治黃宜茵陳蒿湯加畜血宜桃仁承氣湯去桂枝甘草加丹皮當歸白芍凡疫邪

留血分裡氣壅閉不下則斑不出出則邪解矣如下後斑出更不

可下設猶有下症宜少與承氣緩服若大下則元氣損斑陷則危

矣必當托裡宜舉斑湯如下後斑隱反見循衣撮空脉微宜舉斑湯加人參三錢

或得補復發出可不死凡胃移熱下焦氣分小便不利熱結膀胱

也若移熱于下焦血分膀胱畜血也夫畜血症在小便利不利也

故晝稍減夜熱詰語者瘀血也未行宜桃仁承氣湯下之後用犀角地黄湯調之凡失下

循衣摸床撮空肉惕目不了了邪熱愈甚元氣將脫者不可竟下

又不可不下宜陶氏黃龍湯既下急用生脉散皆死中求生法也

如生姜當歸白芍知母陳皮甘草

外感 瘟疫

卷二十一 五

凡疫病邪不入胃必終始能食勿絕其食只少少與之耳凡大下

後須善調理宜清燥或有表留餘熱者宜柴胡或有痰飲積而胸

膈不清者宜瓜貝凡舌胎白邪在膜原變黃邪在胃沉香色胎老

白不可下黃宜下黑急下下後胎不脫舌刺舌短舌裂舌硬舌卷

白砂胎黑硬胎皆當下胎雖白倘別有下症宜達原飲則下之若

大汗脉洪大而渴未可下也宜白虎湯惟目赤咽乾氣噴如火小便黃

赤作痛揚手擲足脉沉數下之宜承氣湯有心下痛腹脹滿痛頭痛下

之立止如初起未可下而有血液枯竭者當用導法導之宜蜜以煎法

其為虛燥也凡疫病在現症或輕雖有頭疼身熱自汗而飲食不

絕力可行走脉又不浮不沉而數不得悞認為勞倦傷脾竟用補

法以至不救凡疫痢相兼最危疫屬胃痢屬大腸大腸病而失傳

送之職故糞不行下膿血穀食俱留停在胃直須大腸邪氣退胃

蠟通今大腸既病。蠱何不行。何能為胃。載毒而出。毒既不行。最傷

胃氣。胃傷必死。凡遇疫痢兼病。在痢尤宜吃緊。宜抵柳凡孕婦疫

發。設用三承氣。須隨症施治。不可過慮。慎勿生疑。掣肘必致母子

兩傷。倘應下之症。候用安胎補劑。熱毒愈熾。胎愈不安。急當下之

以逐其邪。當子母俱安。若腹痛腰痛。必墜無疑矣。須預為病家言

之也。凡婦人病疫。惟經水適來。適斷。崩漏。產後。與男子不同。益經

水適來。邪不入胃。而入血海。勿以胃寔攻之。熱隨血下。自愈。宜小

湯加赤芍丹皮生地。如結胸狀者。血因邪結也。宜刺期門。經水適斷。血室乍

空。邪乘虛入。難治。與適來者。有虛寔之分也。宜柴胡新產亡血。衝

任空虛。與素崩漏。經氣久虛者。亦如前治。宜柴胡若藥不行。須和

其性。宜加氣虛不運。須助宣行。宜加凡疫行小兒。目吊驚搐。十指

鈎曲。角弓反張。切勿悞認。驚風當與大人疫病同治。但藥劑須輕

小耳凡裡症下後臥幾日汗不止身微熱此表有餘邪邪盡汗自止若不能止小柴胡湯加廣皮嘔加半夏虛加人參不可用芪朮如已愈幾日後反得盜汗宜畧用補法虛寔之分在有熱無熱也下後邪去嘔止若復嘔胃虛也稍進粥飲調之凡感冒兼疫先治感冒宜上清散後治疫凡瘡疫相兼治疫而瘡自已凡方食肉病停積在胃因承氣連下惟下旁流臭水其病不退加人參一味卽三四十日停積頓行應下失下真氣虛微及投承氣少頃汗出額上髮際痒手足冷甚則戰慄心煩坐卧不安如狂此中氣已虧不勝藥力名曰藥煩如遇此症須多加生姜勻兩次服防嘔以上治疫之法既詳且盡更無挂漏矣而疫與傷寒異同處更有當辨者傷寒必有感冒之因惡風惡寒身疼頭痛發熱無汗脉浮緊爲傷寒有汗脉浮數爲中風若瘟疫無感冒之因始覺藥瀉後但熱不惡寒

雖饑飽勞役。焦思怒鬱。皆能觸發其邪。然無所觸而自發者居多。傷寒藥一汗卽解。疫發散雖汗不解。傷寒不繼染。疫則繼染他人。傷寒邪從毛竅入。疫邪從口鼻入。傷寒感而卽病。疫感而後發。傷寒汗解在前。疫汗解在後。傷寒可使立汗。疫必俟其內潰。方自汗。盜汗戰汗。傷寒不易發。斑疫多發。斑傷寒邪感在經。以經傳經。疫邪感在內。邪溢于經。經不自傳。傷寒感發甚暴。疫却有淹纏。幾日漸加重。或忽加重。傷寒初起。必先發表。疫初起。必先疏利。此皆其異焉者也。而亦有其同焉者。皆能傳胃。故必皆用承氣導邪而出。故始異而終同也。傷寒之邪自外傳內。原無根蒂。惟傳法有進無退。故下之皆愈。疫之邪始匿膜原。根深蒂固。時發與營衛交併。客邪由經之處。營衛無不被傷。故曰潰不潰則不能傳。不傳則邪不出。不出則病不愈。乃疫下後。或有不愈者何也。蓋疫邪多表裡分

傳。因有一半向外。邪傳留於肌肉。一半向裡。邪傳留于胃。惟傳胃  
故裡氣結。裡結。表氣亦不通。于是肌肉之表。不卽達肌表。下後裡  
氣通。表氣亦順。向鬱肌肉者。或斑或汗。然後可謀治。傷寒下後無  
此法。雖曰終同。是不同也。至傷寒似陰者。傷寒與疫皆有之。若陰  
症似陽。惟正傷寒爲然。疫必無此症。夫陽似陰。雖外寒而內必熱。  
故小便必赤澀。若陰似陽。隔陽之症也。上熱下寒。故小便清白。但  
以小便清白爲據。萬不失一。此又宜辨也。凡四損不可治。大勞大  
憊。大病久病後。此四者。氣血俱虛。陰陽並竭。正氣先虧。邪氣自陷  
者是也。且夫瘟疫。有發于內者。亦有見于外者。茲更舉其症條列  
於左。一曰大頭瘟。俗呼爲狸頭瘟。又雷頭風。亦謂之時毒。頭痛腫  
大如斗。此天行厲氣也。因濕熱傷高巔之上。其症狀發于鼻面耳  
項咽喉。皆赤腫無頭。或結核有根。令人多汗。氣蒸初則憎寒。壯

熱厥體重。頭面俱痛。目不能開。上喘。咽喉不利。甚則堵塞不能食。

飲。舌乾口燥。或恍惚不寧。不速治。十死八九。宜人中黃。九普濟消

黃一二錢。緩服。作丸。論至于潰裂膿出。必反染人。所以謂之疫癘。

大約冬溫後多有此症。若額上面部。焮赤腫痛。脉數者。屬陽明病。

宜普濟消毒飲子加。若發于耳之前後。并額角旁紅腫。此少陽也。

石膏內定加大黃。若發于頭腦項後。并耳後赤熱腫痛。此

天花粉便定亦加大黃。若發于頭腦項後。并耳後赤熱腫痛。此

太陽也。宜荆防敗毒散去人參加芩連一曰捻頭瘟。喉痺失音。項

大腹脹。如蝦蟆狀。故亦名蝦蟆瘟。宜荆防而正傳則謂天行一種

大頭瘟。從耳前腫起。名為蝦蟆瘟。從顛項腫起。名為鸛鶴瘟。此可

泰考。一曰瓜瓠瘟。胸高脇起。嘔血如汁是也。宜生犀飲便結加

水炒人參表熱去蒼木加桂枝黃連便膿血去黃湯加花粉虛加鹽

蒼木倍黃土加黃柏便滑以人中黃代金汁。一曰楊梅瘟。遍身

紫塊。忽然發出。衝瘡是也。宜清熱解毒湯下人中一曰疔瘡。瘟發

外感 瘟疫

卷下 八

塊如癰。遍身流走。且發夕死是也。急宜用三稜針刺入委中。三分出血。服人中黃散。一曰

絞腸瘟。腸鳴乾嘔。水洩不通。是此類絞腸痧。急宜探吐之。一曰軟

脚瘟。卽濕溫症。便清洩白。足腫難移。是也。不可輕下。宜蒼木

盛夏濕溫之症。卽藏疫癘。一人受之。爲濕溫。一方傳遍。卽爲疫癘。

以春夏間濕熱暑三氣交蒸故也。蓋春主厥陰肝木。秋主陽明燥

金。冬主太陽寒水。各行其政。惟春分後。秋分前。少陰若火。少陽相

火。太陰濕土。三氣合行其事。天本熱也。益以日之暑。日本烈也。益

以地之濕。三氣交動。時分時合。其分也。風動于中。勝濕解蒸。不覺

其苦。其合也。天之熱氣下地。地之濕氣上。人在氣交中。無可避。故病

之繁且苦者。惟夏月爲最。以無形之熱。蒸動有形之濕。卽無病人

感之。亦爲患。况素有濕熱。或下元虛人。安得不患濕熱症乎。是以

其症忌發汗。汗則濕熱混一。中氣盡傷。必死。惟宜分解。先扶中氣。

使中氣徐領其表裡上下分消。故多愈也。至若疫氣則邪正混合。邪勝正衰。轉眼立死。苦寒則傷胃。溫補則助邪。如人中黃之類。方合法。別有瘴疫。如嶺南春秋時。月山嵐霧瘴之毒。中于人。發為寒熱溫瘧。此其瘴毒亦從口鼻入也。宜蒼朮升麻湯即如南方疫癘。亦有挾嵐瘴。溪源蒸毒之氣者。其狀熱乘上焦。病欲來時。令人迷困甚。則發躁狂。或啞而不能言語。皆由敗血瘀于心。毒涎聚于脾。故也。宜加味柴胡湯夫傷寒之邪。先行身之背。次行身之前。次行身之側。由外廓而入。瘟疫之邪。直行中道。流布三焦。甚者三焦相混。上行極而下。下行極而上。傷寒邪行中外廓。一表即散。疫邪行中道。表之不散。傷寒邪入胃府。則腹滿便艱。故可攻下。疫邪布中焦。散之不收。下之復合。此與治傷寒表裡諸法。有何涉哉。吳又可瘟疫論。治法精義。千古莫易。雖論疫症者甚多。皆莫越其範圍。故此篇即就其書而裁竄之。

脉法 靈樞曰尺膚熱盛脉盛躁者病温也又曰熱病脉靜汗已出脉盛一逆也死不治 脉經曰陽脉濡弱陰脉弦緊更遇温氣變爲瘟疫 脉訣曰陰陽俱盛病熱之極浮之而滑沉之散澀惟有温病脉散諸經各隨所在不可指名 脉法曰温病二三日體熱腹滿頭疼食飲如故脉直而疾八日死温病四五日頭痛腹滿而吐脉來細而強十二日死温病八九日頭身不痛目不赤色不變而反利脉來澀按之不足舉之却大心下堅十七日死温病汗不出出不至足者死温病厥逆汗自出脉堅強急者死虛軟者死 得效曰時疫之脉無定據隨時審思總得未可輕議 醫鑑曰温病穰穰大熱脉細小者死温病下利腹中痛甚者死又曰熱病得汗脉安靜者生躁急者死及大熱不去者亦死熱病八九日當汗反不得汗脉絕者死

瘟疫原由症治 三因曰。凡時行病者。冬應寒反煖。春發溫疫。其症發熱。腰痛強急。脚縮不伸。肝中欲折。目中生花。或澹澹憎寒。復熱。春合溫。反涼。夏發燥疫。其症身體戰掉。不能自禁。或內熱口乾。舌破咽塞。聲嘶。夏合熱反寒。秋發寒疫。其症頭重頭直。皮肉強痺。或蘊而結核。起于咽喉頸項之間。布熱毒于皮膚分肉之中。秋合涼。反陰。雨冬發濕疫。其症乍寒乍熱。損傷肺氣。暴噉嘔逆。或體熱發斑。喘咳引氣。入門曰疫疾。如有鬼癘相似。故曰疫癘。又曰。春發瘟疫。宜葛根解肌湯。夏發燥疫。宜調中湯。秋發寒疫。宜蒼朮白虎湯。冬發濕疫。宜甘桔湯。表症宜荆防敗毒散。半表裡症宜小柴胡湯。裡症宜大柴胡湯。宜補宜散。宜降。用人中黃丸治之。醫鑑曰。感四時不治之氣。使人痰涎壅盛。煩熱頭疼。身痛憎寒。壯熱項強。睛疼。或飲食如常。起居如舊。甚

至聲啞。或眼赤口瘡。腮腫喉痺。咳嗽稠粘噴嚏。正傳曰。瘟病初症未端的。先以敗毒散治之。看歸在何經。隨經施治。又曰。九味羌活湯。治瘟疫初感。一二日間服之。大效。又曰。凡治溫疫。切不可作傷寒症治。而大汗大下。但當從乎中治。而用少陽陽明二經藥。少陽小柴胡湯。陽明升麻葛根湯。卽二方加減以治之。可也。

瘟疫論 喻嘉言曰。人之鼻氣通于天。故陽中霧露之邪者。爲清邪。從鼻息而上入于陽。入則發熱頭痛。項強筋攣。正與俗稱大頭瘟。蝦蟆瘟符也。人之口氣通于地。故陰中水土之邪者。從飲食濁味。從口舌而下入于陰。入則其人必先內慄。足膝逆冷。便溺妄出。清便下重。臍築湫痛。正與俗稱絞腸瘟。軟腳瘟符也。然從鼻從口所入之邪。必先注中焦。以次分布上下。故中焦受

邪因而不治。中焦不治。則胃中爲濁。營衛不通。血凝不流。其釀  
變卽現中焦。俗稱瓜瓠瘟。疔瘡瘟等。則又陽毒癰膿。陰毒遍身  
青紫之類是也。此三焦定位之邪也。若三焦邪混一。內外不通。  
麻氣熏蒸。上焦拂鬱。則口爛齙腫。衛氣前通者。因熱作使。遊行  
經絡臟腑。則爲癰膿。營氣前通者。因召客邪。噎出聲啞咽塞。熱  
壅不行。則下血如豚肝。然以營衛漸通。故非危候。若上焦之陽  
下焦之陰。兩不相接。則脾氣于中。難以獨運。斯五液注下。下焦  
不合。病難全矣。治法未病前。預飲芳香正氣藥。則邪不能入。此  
爲上也。宜屠蘇飲。太倉公辟瘟丹。七物赤散。邪既入。則以逐穢爲第一。義上焦如  
霧升而逐之。兼以解毒。中焦如漚。疏而逐之。兼以解毒。下焦如  
瀆。決而逐之。兼以解毒。營衛既通。乘勢追拔。勿使潛滋延蔓可  
也。

大頭瘟症治

王海藏曰大抵足陽邪火太盛爲寔少陽相火

爲熾濕熱爲腫木盛爲通多在少陽或在陽明陽明爲邪首大

腫少陽爲邪出于耳之前後精義曰大頭瘟初發狀如傷寒

五七日之間乃能殺人又曰大頭瘟俗謂之時毒常搗通氣散

于鼻中取十餘嚏作放若搗藥不嚏不治如嚏出膿血治之易

愈每日用嚏藥三五次以泄毒此是良法左右看病之人亦日

用搗藥必不傳染又曰經三四日不解宜荆防解毒散七八日

大小便通利頭面腫起高赤宜托裡消毒散兼針砭出血泄其

毒氣十日外不治自愈若五日以前精神昏亂咽喉閉塞語音

不出頭面大腫食不知味者必死丹溪曰大頭瘟此熱氣在

高巔之上切勿用降藥入門曰大頭瘟治法當先緩而後急

先緩者邪見于無形之處至高之分當用緩緩徐徐服之寒藥

則用酒浸酒炒皆是也。後急者邪氣入於中有形質之所。此爲客邪。故須急急去之。又曰服藥俱仰臥。使藥氣上行。又曰東垣普濟消毒飲子最妙。人中黃丸亦妙。

瘟疫熱病不治症。靈樞曰此症不可治者有九。一汗不出。大顴發赤。噦者死。二泄而腹滿者死。三目不明。熱不已者死。四老人小兒熱而腹滿者死。五汗不出。嘔而下血者死。七欬而衄。汗不出。出不至足者死。八髓熱者死。九熱而瘕者死。瘕者股折。癰癢齒齩也。

### 治瘟疫方四十七

達原飲

總治

枳榔二錢

厚朴

知母

白芍

黃

芩各一錢

草果

甘草各五錢

白虎湯

未表

石膏

知母

甘草

粳米

大承氣湯

入胃

大黃

芒硝

枳實

厚朴

舉斑湯

透斑 當歸 赤芍各一錢 穿山甲二錢  
柴胡 白芷各七分 升麻五分

瓜蒂散

不吐 山梔二錢 赤小豆一錢二分 瓜蒂  
一錢如無淡豉二錢代 水煎分二服緩下

清熱解肌湯

發表 葛根三錢 黃芩 赤芍各錢半 甘  
草一錢 餘邪

三消飲

餘邪

人參白虎湯

正微 人參 石膏 知母 甘草 粳米

大柴胡湯

治裡

香蘇散

疏利 香附三錢 蘇葉二錢半 陳皮一錢  
半 蒼朮 甘草各一錢 姜三片 葱白二  
个

柴胡清燥湯

鬱陽 當歸 白芍 生地 陳皮 花粉  
知母 甘草 柴胡 燈心

調胃承氣湯

宿垢

茵陳蒿湯

胃熱 茵陳二錢 大黃五錢 山梔一錢  
姜三片

桃仁承氣湯

瘀血 桃仁十八粒 大黃四錢 芒硝二錢  
甘草 桂枝各一錢

犀角地黄湯

下血後 地黃一兩 犀角 白芍 丹皮各二錢

黃龍湯

元脫 人參 大黃 芒硝 厚朴 枳寔 甘草 當歸

生脉散

人參 五味子 麥冬

清燥養榮湯

下後 知母 花粉 當歸 白芍 生地 陳皮 甘草

柴胡養榮湯

餘熱 柴胡 黃芩 陳皮 甘草 生地 當歸 枳寔 芍藥

瓜貝養榮湯

痰飲 瓜蒌 貝母 花粉 當歸 白芍 蘇子 橘紅 姜

小柴胡湯

邪入血海 柴胡 黃芩 人參 半夏 甘草 芍藥

檳榔順氣湯

疫癘 大黃 厚朴 枳寔 檳榔 白芍 生姜

上清散

感冒 元參 薄荷 荆芥 甘草 歸尾 桔梗 陳皮 黃芩 枳壳 川芎

普濟消毒飲子

大頭瘟 陳皮 桔梗 元參 柴胡 甘草 錢 牛蒡子 馬勃 板藍根 如無用青黛 二錢

連香各一錢

升麻 姜 蚕 各五分 共為末

取一牛白湯調和時或加防風薄荷川芎當歸

每丸細嚼白湯送下

共剉取末一兩水煎分二三次服之亦可腫甚宜砭刺出血

泰和二年四月民多疫癘初覺憎寒或發熱或不熱身重次傳頭面腫甚目不能開上喘咽喉不利舌乾口燥俗云大頭天行染之多死東垣曰身半以上天之氣也身半以下地之氣也此邪熱容于心脈之間上攻頭面而為腫甚遂製一方名曰普濟消毒飲子服之皆愈人謂之仙方

沈氏頭瘟湯

川芎一錢 桔梗 防風 荆芥穗各一錢半 柴胡七分 黃芩 歸尾各二錢

此再平自製方也用以治大頭瘟初起一兩日者無不愈陽明邪盛者加葛根厚朴各錢半

荆防敗毒散

枳殼 茯苓 柴胡 前胡 人參 人中黃 大力子各一錢 防風一錢半 羌活 獨活 川芎 荆芥 薄荷

生犀飲

服加金汁一匙九炒 犀角二錢 川連 蒼木 瓜瓞 黃土五錢 犀角二錢 川連 蒼木 各一錢 金片牛杯沖 芥片茶葉一大撮 日三夜二服

清熱解毒湯

楊梅 人參 黃連 黃芩 白芍 生地各三錢 石膏 羌活 知母 生薑各二錢

人中黃丸

甘草一錢半 升麻 葛根各一錢 水一斗  
煎五升每服一升分日三夜二服  
木麻油炒 枯梗各二兩 人中黃如無坑坭代之  
風各五錢 香附姜汁拌不用炒一兩半 黃連 防  
曲糊丸 氣虛四君子湯下 血虛四物湯下  
痰甚二陳湯下 熱甚童便下 通用清熱  
解毒湯下 二三服

人中黃散

疔瘡 辰砂 雄黃各錢半 人中黃一兩  
每末二錢薄荷枯梗湯下口三夜二服

雙解散

紋腸 麻黃 薄荷 白芍 當歸 大黃  
防風 芒硝 連喬 川芎各五錢 黃芩  
桔梗 石膏各一兩 甘草二兩 荆芥 山  
梔 白木各五錢 滑石三兩 以上各防風  
通聖散 滑石六兩 甘草一兩 以上天水  
散 將通聖天水二散各一半和為粗末每用  
二兩水煎加姜三片葱白二个熱服取汗即名  
雙解散

九味羌活湯

初感 羌活 防風各錢半 蒼朮 川芎  
黃芩 白芷 生地各錢二分 細辛 甘草  
各五分 棗二 葱白二

升麻葛根湯

總治 葛根二錢 升麻 白芍 甘草各一  
錢 姜二 葱白三

外感 瘟疫方

葛根解肌湯

春疫 葛根三錢 甘草八分 黃芩二錢 赤芍錢半 桂枝一錢 麻黃五分 姜棗

調中湯

夏疫 大黃一錢半 黃芩 白芍 葛根 桔梗 赤苓 藥本 白木 甘草各一錢

蒼朮白虎湯

秋疫 蒼朮 石膏 知母 甘草 粳米

甘桔湯

冬疫 甘草 桔梗

大柴胡湯

裡症

托裡消毒散

大頭瘋 金銀花 陳皮各三錢 益黃芪 花粉各二錢 防風 當歸 川芎 白芷 桔梗 厚朴 角刺炒 穿山甲炙各一錢

蒼朮升麻湯

瘡癩 蒼朮一錢半 半夏一錢 厚朴 陳皮 枳殼 桔梗 川芎 升麻 柴胡 木香 甘草各五分

加味柴胡湯

又 柴胡二錢 黃芩 人參 半夏 甘草 枳殼 大黃各一錢 姜三 棗二

太無神木散

又 蒼朮三錢 陳皮 厚朴各二錢 石菖蒲 藿香 甘草各一錢 姜三 棗二 方無菖蒲有香附名神木散氣散此端王山嵐瘴氣之妙方也

屠蘇飲

預防 白木兩八錢 大黃 桔梗 川椒  
肉桂各兩半 虎杖根兩二錢 川烏六錢  
共到盛絳囊十二月晦沉井中正月朔日早取  
藥入一瓶清酒中煎數沸東向飲之從少至老  
飲一杯其餘還沉井中取水飲之

太倉公 疝丹

又 苈木八兩 白木 烏藥 黃連 羌活  
各四兩 川烏 草烏 細辛 紫草 防風  
獨活 萊本 白芷 香附 當歸 荆芥  
肉桂 甘松 三奈 白芍 乾姜 麻黃  
皂角 甘草各二兩 麝香三錢半 棗肉九  
彈子大每取一丸燒之

七物赤散

又 丹砂另研 川烏炮各一兩 花粉七錢  
半 細辛 羊躑躅 炮姜 白木各五錢  
每末五分温酒下取汗解不解再服一錢

通氣散

摘鼻 元胡索錢半 皂角 川芎各一錢  
藜蘆五分 麝闔花二分半 用帛撚蘸藥搗  
于鼻中取嚏日三五次

雄黃散

塗鼻 雄黃末水調以筆濃蘸塗鼻竅中雖與  
病人同床亦不相染初洗面後及臨臥點之

太乙流金散

佩燒 羚羊角一兩 雄黃 礬石 鬼箭羽  
各七錢半 為粗末三角絳囊盛一兩帶心煎

小惑

直度方

卷二十一

十五

并挂戸上又青布裹少許中庭燒之

邪祟病源流

沈金鰲撰

邪祟內外因俱有病也。其因于內者，若癲邪、謔言、卒死等症，皆緣自己元神不守，恍恍惚惚，造無爲有，如有見聞，乃極虛之候，非真爲鬼邪所侮也。其因于外者，若十疰五尸中惡客忤鬼擊鬼打鬼，排鬼魅鬼魘尸厥等症，皆寔有邪祟爲患，不問其人虛寔強弱，皆能犯之，性命懸于呼吸，不速救，俱能殺人。茲故條列之，何謂癲邪？凡人氣血衰耗，元精不固，或挾痰火，替亂心神，遂至視聽言動，悉乖常度，似癲非癲，似醉非醉，歌泣吟笑不一，其態妄言妄見，多生恐怖，斯真元虛之極矣。宜歸神丹加減鎮心丹何謂謔言？凡人汗出太甚，或血少氣并于血，陽獨上而不下，氣壅滯而不行，雖平時無疾，身忽如死，不能引動，目閉口呆，不知人事，卽微知人，亦惡聞聲响。若有鬼神捕之，須臾氣過，血還卽便甦寤。若眩冒然者，婦人多有此症。

宜白微湯 舍公散 何謂卒死。即靈樞三虛三寔之說是也。三虛者乘年之

衰逢月之空失時之和。因為惡風所傷。逢年之盛。遇月之滿。得時

之和。雖有賊風邪氣不能危之。而三虛相搏者。必見有五色非常

之鬼。遂致暴病卒亡。亦皆由元神不完之故。故其卒死之時。口張

目開。手撒。遺尿。皆虛象也。治必補氣。間亦有吐寔人而卒死者。必

目閉口際。手拳。此為有異治。又當散表。不得用補藥。宜脩急丸清心丸至寶丹

以上皆內因病。何謂十疰五尸。氣疰勞疰鬼疰冷疰食疰尸疰水

疰土疰生人疰死人疰。此謂十疰。飛尸遁尸沉尸風尸。尸此謂

五尸。十疰五尸為病相似。或因人死三年之外。魂神化作風塵。着

人成病。或逢年月之厄。感魘魅之精。因而癘氣流行。身體令人寒

熱。交作昏昏默默。不能的知所苦。積久委頓。漸成癆瘵。肌肉盡削。

以至于死死後復傳疰他人。慘至滅門。可勝痛矣。宜十疰丸桃奴丸八毒赤散太

乙神何謂中惡凡人偶入荒墳古廟郊墊冷廁及人迹罕到之處

忽見鬼物口鼻吸着鬼氣卒然昏倒不省人事四肢厥冷兩手握

拳口鼻出清血白沫狂言驚忤與尸厥畧同但腹不鳴心腹俱煖

為異耳慎勿輕動其尸速令眾人圍繞打鼓燒火燒麝香安息香

俟甦方可移歸服藥治之宜桃奴丸太乙神精丹何謂客忤即中惡之類多

于道路得之亦由感觸邪惡之氣故即時昏暈心腹絞痛脹滿氣

冲心胸不速治亦能殺人當急取塩如鷄子大許青布裹燒赤納

酒中頓服當吐出惡物然後服藥宜脩急丸太乙神精丹何謂鬼擊鬼打鬼

排卒着鬼氣如刀刃刺擊或如杖打之狀胸腹間痛不可按排擊

處亦痛甚則吐衄下血此等病皆來之無漸卒然而死者也宜朱

太乙神何謂鬼魅或為邪祟附着于體沉沉默默妄言詬語乍寒

乍熱心腹滿手足冷氣短不能食飲宜八毒赤散蘇合香元或為山林窮谷

妖狐迷亂精神。減少日漸羸瘦。能言未然禍福。毫髮皆驗。人有念

起。卽知其故。

宜辟邪丹  
蘇合香元

或婦女與鬼邪相交。每與交時。神思昏迷。

口多妄語。醒則依然如故。面色嬌紅。日久腹中作痞。如抱甕然。名

曰鬼胎。須服藥下之。

宜先服紫金錠再  
服回春辟邪丹

何謂鬼魘。人睡則魂魄外

遊。或爲鬼邪魘。屈其精神弱者。往往久不得寤。至于氣絕。此症于

客舍冷房中得之爲多。但聞其人夢中吃吃作聲。便叫喚如不醒。

乃鬼魘也。不得近前急喚。但痛咬其足跟。及大拇指甲邊。并多唾

其面。若本有燈。不可滅。若本無燈。不可用燈照。如再不甦。移動處

些子。徐喚之。以筆管吹兩耳。以半夏皂角末吹鼻中。甦後服藥治

之。

宜雄雞  
朱散其有鬼魘及卒鬼擊。血漏腹中。煩滿欲死者。雄黃末吹鼻

中。又酒調一錢服之。日三。能化血爲水。又有夢中被鬼刺殺。撲擊

忽吐衄下血。甚而九竅皆血者。急須治之。

宜獨活散何謂尸厥。凡人卒

中邪惡與臟氣相逆忤。忽手足厥冷。頭面青黑。牙關緊閉。腹中氣走如雷鳴。聽其耳中如微語聲者。卽是尸厥。言如死尸。只脈動。心胸煖氣不絕耳。急以菖蒲汁灌之。再服藥。宜還魂湯以上皆外因。病然邪必乘虛而入。苟元精充足。陽氣壯盛。亦未見邪祟之能爲禍也。故凡遇此等症者。審知其虛。必以補元爲主。審知其邪。必以通神明去鬼惡爲主。其有挾寒挾火挾食挾痰者。又當兼治之。而自無弗愈矣。

脈法

內經曰。厥逆逆臟則死。連經則生。註云。連臟者。神去故

也。千金曰。脈來遲伏。或如雀啄。乃邪脈也。若脈來弱。綿綿遲伏。或綿綿不知度數。而顏色不變。此邪病也。脈來乍大乍小。乍短乍長。爲禍祟脈也。兩手脈浮浮細微。綿綿不可知。但有陰脈亦細綿綿。此爲陰蹻陽蹻之脈。此亡人爲祟也。脈來洪大而弱。

者。此社崇也。脉來沉沉澀澀。四肢重者。土崇也。脉來如飄風。從陰趨陽者。風邪也。一來調。一來速者。鬼邪也。脉經曰。尸厥呼之不應。脉絕者死。反小者死。又曰。卒中惡。腹大。四肢滿。脉大而緩者生。緊大而浮者死。緊細而微者亦生。得效曰。欲知崇害。心脉虛散。肝脉洪盛。或浮沉長短大小無定。或錯雜不倫。綱目曰。疰脉浮大。可治。細數難治。精義曰。若脉沉沉澤澤。四肢不仁者。亡祟也。或大而懈弱者。社崇也。脉來乍大乍小。乍短乍長者。則鬼祟也。回春曰。有人得病之初。便詰語發狂。六部無脉。然切大指之下。寸口之上。却有動脉。此謂之鬼脉。乃邪祟爲之也。不須服藥。但符呪治之。

邪祟症治 內經曰。邪客于手足少陰腎心太陰脾肺足陽明胃之絡。此五絡皆會于耳中。上絡左角。五絡俱竭。令人身脉皆動而

形無知也。其狀若尸。名曰尸厥。以竹管吹兩耳即甦。綱目曰。凡尸厥。鬱冒卒中卒死之類。皆當發表。仲景云。鬱冒欲解。必大汗出是也。本事曰。鬱冒由血少氣并者。亦名血厥。遺篇曰。凡暴亡。不出一時可救之。雖氣閉肢冷。若心腹溫。鼻微溫。目中神彩不轉。口中無涎。舌與陰卵不縮者。皆可治。立齋曰。鬼胎症。因七情相干。脾胃虧損。氣血虛弱。行失常道。衝任乖違。而致之者。乃元氣不足。病氣有餘也。若見經候不調。就行調補。庶免此症。治法以補元氣為主。而佐以雄黃丸之類。行散之。濟陰綱目曰。一婦人經閉八月。肚腹漸大。面色或青或黃。用胎症之藥不效。余診視之曰。面青脉澀。寒熱往來。肝經血病也。面黃腹大。少食體倦。脾經血病也。此鬱怒傷脾肝之病。非胎也。不信。仍用治胎散之類。不驗。余用加味歸脾逍遙二藥。各二十餘劑。諸

症稍愈。彼欲遠效。遂服通經丸。一服下血昏潰。自汗惡寒。手足逆冷。嘔吐不食。余用人參炮姜二劑漸愈。

却邪導引法 保生秘要曰。用一指認真點尻尾穴。而行泄法。後二指由胸至脇分之。

運功 保生秘要曰。守黃庭或闕元。注念太乙。救苦默咒。以正其心。邪自不見。

### 治邪祟方二十二

#### 歸神丹

真邪 硃砂二兩 猪心內燈草縛定酒蒸二  
炊久另研 人參 棗仁 茯神 當歸各二  
兩 琥珀另研 遠志 姜汁製 龍齒各一兩  
金箔 銀箔各二十片 酒糊丸 每服九丸至  
二九丸 麥冬湯下 此方兼治癩癩乳香人參  
湯下 又治多夢不睡 煎仁湯下

#### 加味鎮心丹

又 麥冬 生地 山藥 茯神 各一兩  
半 蜜黃芪 天冬 酒當歸 熟地 各一兩  
味子 姜遠志 人參 各五錢 蜜丸 另將硃  
砂一錢 爲衣 酒或米飲下 五七十九丸

白微湯

倉公散

備急丸

牛黃清心丸

至寶丹

鬱冒 白微 當歸各一兩 人參五錢 甘草二錢半 每粗末五錢 水煎溫服

又 藜蘆 瓜蒂 雄黃 白礬 等分爲末 取少許吹入鼻中

卒死 大黃 巴霜 乾姜各二兩 蜜和杵 干下爲丸 卒死者熱酒化下 三九口噤者灌之

溫水亦可 能下咽即治 此方乃急劑也 張易老名爲獨行丸

又 山藥七錢 甘草五錢 人參 神曲 炒蒲黃各二錢半 犀角二錢 肉桂 大豆

黃卷炒焦 阿膠各錢七分半 白芍 硃砂 飛 麥冬 當歸 黃芩 防風 白朮各錢

半 柴胡 桔梗 杏仁 茯苓 川芎各錢 二分 牛黃錢二分 羚羊角 麝香 水

片各一錢 雄黃八分 白斂 炮姜各七分 半 金箔百二十方 留四十方爲衣 蒸棗肉

研加煉蜜爲丸 每丸重一錢 每服一丸 溫水送

犀角 硃砂 雄黃 琥珀 玳瑁各 一兩 牛黃五錢 水片 麝香各錢半 安息香

箔五十片 以半爲衣 銀箔三十片 酒瀉去渣 土一兩 熬膏爲丸 每重一錢 每服一

丸 參湯下 日二三服 少加蜜丸亦可

十疰丸

尸疰 雄黃 巴霜 各一兩  
細辛 桔梗 附子 皂夾 人參 麥冬  
五錢 蜜丸 每五丸 溫水 下  
川椒 甘草 各

桃奴丸

中惡 桃奴 七個 另研 玳瑁 鎊細末 一兩  
安息香 去渣 犀角 各五錢 琥珀 雄黃 各三

錢 麝香 冰片 牛黃 各二錢 桃仁 十四

個 麩炒 安息香 每丸 參湯 下

八毒赤散

見附 雄黃 硃砂 礬石 丹皮 附子  
紫蘆 巴霜 各一兩 蜈蚣 一條 蜜丸 小豆

大冷 水吞 下 十丸 一切 染着 鬼病 雌黃 磁石 各

太乙神精丹

容 丹砂 曾青 雄黃 雌黃 磁石 各

酒 浸 絨 封 晒 百 日 各 研 極 細 醋 拌 乾 濕 得 宜 納

土 金 中 六 一 泥 固 濟 安 鐵 腳 環 上 高 搗 起 以 漸

飛 化 疑 着 金 上 五 色 者 上 三 色 者 次 一 色 者 下

但 如 雪 光 潔 者 最 佳 若 飛 不 盡 再 着 火 如 前 以  
雞 翎 掃 取 棗 肉 和 丸 黍 米 大 半 旦 空 心 服 一 丸  
漸 加 一 丸 以 知 為 度 服 此 者 五 日 內 必 吐 利 過  
則 自 安 初 服 如 黍 米 漸 一 丸 至 小 豆 大 而 止

不得更大 若服藥悶亂木防已湯飲之即安

若欲解殺藥吃蠟煮肥猪肉 作土釜法取

瓦盆二個可受二斗許者以甘土塗其內令極

乾 作六一法赤石脂壯蠟滑石黃礬蚯蚓

泥各二兩以好醋和甘土裹石脂等四種火煨

一伏時取出與蚯蚓尿同為末醋和如稠粥用

之 凡合此藥以四時旺相日天氣明齋戒沐

浴台之治一切鬼氣病無不應驗

久瘡癩腫垂死者服一丸即吐差亦治瘡母

癥瘕積聚服一丸漿飲送下

諸卒死心下微濕者挾開口以漿飲調一刀圭

與服 以絳囊盛九刀圭繫男左女右臂上以辟瘴疫

時邪最妙

鬼擊 犀角五錢 硃砂 麝香各二錢半

每末二錢新汲水調灌

鬼魅 木香 沉香 麝香 丁香 檀香

安息香熬膏 白朮 犀角 香附 蘇合油

硃砂半為衣各二兩 乳香 冰片 蘇合油

入安息膏內各一兩 安息膏丸每兩分作四

十九丸每取二三丸水酒任下

### 辟邪丹

內傷外感

邪祟方

卷三

二五

又 赤茯苓 人參 鬼箭羽 菖蒲 遠志  
肉 白朮 蒼朮 當歸各一兩 桃奴 五錢

錢 硃砂 雄黃各三錢 牛黃 麝香各用一錢  
酒糊 尤金箔為衣每丸如龍眼大臨卧木  
香湯下  
凡服此藥者諸邪鬼惡自然不敢近若更以絳  
囊盛五七丸懸身上并床帳中更妙

### 紫金錠

鬼胎 五倍子去更土三兩 山茨菇去皮焙  
二兩 大戟洗焙兩半 干金子去反油一兩  
麝香三錢 糯米粥杵干下丸每一料分作  
四十錠每服半錠病重者一錠薄荷湯下凡  
合此藥用端午七夕重九或天德月德日在淨  
室焚香齋戒勿令婦女孝服人鷄犬見之  
名太乙紫金丹

### 回春辟邪丹

又 虎頭骨二兩 硃砂 雄黃 鬼白 燕  
莢 藜蘆 鬼箭羽 雌黃各一兩 蜜丸彈  
子大囊盛一丸男左女右繫臂上又于病者戶  
內燒之一切邪鬼不敢近  
此方兼治瘟疫并治男婦與鬼交者

### 雄硃散

鬼鬘 牛黃 雄黃各一錢 硃砂五分 每  
末一錢于床下燒之再以一錢酒調灌下  
又 獨活 升麻 川斷 地黃各五錢 桂  
皮一錢 每末二錢白湯調下日二服

### 獨活散

還魂湯

尸厥 麻黃三錢 杏仁二十五個去皮尖  
肉桂 甘草各一錢 水煎口噤者抉開口灌  
之藥下即醒 一名追魂湯兼治中惡客忤鬼

雄黃丸

墜飛尸奄忽口噤氣絕  
鬼胎 雄黃 兒白 莽草 丹砂 巴霜  
癩肝各五錢 蜥蜴一枚炙 蜈蚣一條炙  
蜜丸梧子大每服二九空心溫酒下日二服即  
當利如不利加至三九初下清水次下更如馬  
尾狀無數病極者下蛇虫或如蝦蟇卵鷓子或  
如白膏或如豆汁其病即除  
此方專治鬼胎腹痛  
又方名班元丸治惑于妖魅狀如癡瘖并治  
一切氣血痛亦效 班貓去頭足翅炒 元胡  
索炒各三錢 糊丸酒下或為末溫酒調下五  
分以胎下為度

加味歸脾丸

又

加味逍遙散

又



沈氏尊生書卷二十一

雜病源流犀燭 內傷外感門

痧脹源流

沈金鰲撰

痧脹風濕火三氣相搏病也。夫痧脹之病自古已有。痧脹之名自古未立。攷之方書曰乾霍亂曰絞腸痧曰青筋曰白虎症曰中惡。卽皆痧脹之病也。特未專立痧脹之名。而其症亦偶一患之。未如今之甚耳。故從古患此症者。北方多有。謂之曰青筋症。又曰馬頭瘟。今則南方遍行。謂之曰水痧。又曰水傷矣。江浙則爲痧。閩廣則曰瘴氣。其寔一而已矣。惟古已有此病。故凡方書所以治乾霍亂絞腸痧青筋白虎中惡者。皆卽治痧脹之方藥。惟古未立此名。故凡後世焯刮刺等法。及所以治之之方劑。皆自古所未專詳。後之醫者。因得藉口以爲古書之所無。令人自不能治。以致患此症。

者俱束手以視其斃亦可憾矣。雖然，皇古無醫書，自軒岐創法，歷代名人各有撰述，因而一切之病著，一切之治法亦備。痧脹之病，特百未遍行，故治法遂畧耳。迨後世其病既成，其法又何嘗不有人詳論之耶？且痧脹至今時而始有人詳論，不猶之一切病症亦爲古畧而後詳耶？是亦理有固然，無足怪已。夫所謂今時詳論痧脹者，何人？王養吾是也。養吾名凱，毘陵人，精于醫，尤善痧症。曾詳列七十二種正變痧，于康熙間刻痧症全書行于世，而其板惜早湮沒，其書不甚傳。向余于痧脹一症，曾遍稽古方書，言乾霍亂等症者，悉以已見者爲論。後得養吾書讀之，詳盡無遺，仍復理精詞達，雖其言兼症變症類症處，未免頭緒太煩，然掘根發前，人所未發，直覺養吾未有書痧症如隱烟霧中。養吾既有書痧症如顯日月臨照中，而人皆得其見也。視余向之所論，殊爲簡而未該。

矣。迺即養吾之言最精確者。採輯而條貫之。以著斯篇。又恐人不知。余斯篇之寔本于養吾。而反沒養吾也。因于此特申之。亦不敢掠人之美云爾。且余前言痧脹為風濕火三氣相搏之病者。何也。風為厥陰。風木濕為太陰。濕土火為少陽。相火三氣雜揉。清濁不分。升降不利。遂至胸腹脹急。或痛或不痛。而痧脹之症以成。此則病因之由于內者也。其寔內三經之因。其發必由外感。而外感必分表裡。其始感于肌表。人自不知。則入半表半裡。故胸悶嘔吐腹痛也。用焯法可愈。不愈以藥治之。宜四號否象方或感于半表裡。人自不知。則入于裡。故欲吐不吐。欲瀉不瀉。痧毒冲心。則心胸大痛。痧毒攻腹。則盤腸吊痛。用放血法自愈。不愈以藥治之。宜十四號豐象方十九號。大畜方或中于裡。人自不知。則痧氣壅阻。惡毒逆攻。心膈立時發暈。氣血不流。放之亦無紫黑毒血。即有亦不多。此痧毒入深內。

兆也。但當審脉辨症。風寒暑濕。氣血食積痰飲。辨其何因。治之使  
甦。令氣血流動。然後扶起。放痧如不甦。急以藥灌之。宜二十一號  
三號巽象方四。十五號蒙象方。如此重症。當立時連進湯丸。方能有救。遲則必死。  
凡痧脹服藥。但由痧氣壅盛而無食積。瘀血宜冷服。若痧氣壅阻  
食積而無血瘀。稍冷服。若痧毒盛而血瘀微。溫服。若痧入氣分而  
毒壅。宜刮痧。若入血分而毒壅。宜放痧。其大較也。且痧症必分涼  
熱。如痧犯太陽。則頭疼發熱。犯少陽。則耳旁腫脹。寒熱往來。犯陽  
明。則但熱不寒。面目如火。犯太陰。則腹痛身涼。犯厥陰。則少腹或  
脇胸痛。亦身涼。犯少陰。則腰痛。亦身涼。犯肺。則咳嗽痰喘。微熱甚  
則鼻衄。犯心。則心痛。或心脹。頭額冷汗如珠。而身或熱或涼。犯膀胱  
則小便血。甚則身熱。犯大腸。則痢膿血。嘔吐身熱。犯肝。則沉重  
不能轉側。嘔熱內熱。甚則吐血。犯三焦。則熱毒內攻。口渴便秘。而

身熱此痧。犯六經臟腑而寒熱之外現者也。又有痧氣壅盛發爲熱症。或熱而不涼。或日晡發熱。或潮熱往來。皆痧毒阻而不通。搏擊肌表發而爲熱。若誤爲外感傳經熱症。發汗溫飲。雖漫痧遲緩。勢必益盛。變出頭汗。發狂譫語。種種重症。不知外感之脈浮數而緊。熱症之脈洪數有力。痧症之脈終有不同。或有可疑。須看痧筋有無。辨之卽明矣。而痧脹又必觀其所起。與其所伏。蓋痧之發也。與中風痰厥昏迷相似。若脈不洪滑。便有可疑。非真痰矣。故症或口渴身熱。而脈變爲沉遲。症或不渴身涼。而脈變爲緊數。皆爲脈症不合。必取青紫筋色辨之。方有確見。不得悞認爲中風痰厥昏迷也。且其病源之起伏。更有顯然者。如先吐瀉而心腹絞痛。其痧從穢氣而發爲多也。先心腹絞痛而吐瀉。其痧從暑氣而發爲多也。心胸昏悶。痰涎膠結。遍身腫脹。疼痛難忍。四肢不舉。舌強不言。

其痧從寒氣久伏鬱爲火毒而發爲多也。則其源之所在安可不詳審哉。且夫治痧脹與治他症之法異。欲治痧脹必先明乎他症之所以異。何言之如傷寒食未化下之太早。反引寒邪入胃。變而爲熱。熱邪固結。所食不能消化。乃成結胃。若痧症新食固宜以吐爲先。至所食既久。驟然痧脹。雖所食消化未盡。下之無害。蓋痧脹非有寒邪入胃。變成熱結之患。但因痧毒在腸胃部分。肌肉作腫。作脹。盤腸絞痛。徧及臟腑。故外宜用刮。放以洩毒于表。內可卽下以攻毒于裡。則腫脹自消。食積因之通利。原無結胸之可憂也。但下之必兼去食積。又宜以漸而進。中病卽止。痧毒若犯咽喉。則痰喘如鋸。先放其痧。急用薄荷牛蒡童便山豆根之類以清之。兼用吹藥。宜二十號 痧症危急大便不通。急宜放痧。用藥攻之。宜瀉小損象方 便不通亦急放痧。用藥分利之。宜四十四號未濟方 枚舉兩三端可見痧與

他症之異也。卽或有痧與他症相兼而發者，亦當首重治痧。兼醫他症，以痧症急而他症緩也。惟胎前產後有痧，當並重處治。蓋胎前宜補痧，症宜消。產後宜溫痧，症宜涼也。此際最當斟酌。雖然痧症之發，其表裡寒熱起伏，以及他症同異，固不可忽視。而痧氣侵犯，要必先及十二經。故其發時，每隨所犯之經。而有十二經現症。必明乎此方，可隨症尋經，因經設治。而十二經脉所起及十二引經之藥，俱不可不知。試條列焉。或腰背巔頂，連及風府，脹痛難忍，是足太陽膀胱經痧也。其脉起于足小指外側之端。其引經藥，黃柏、藁本。或兩目紅赤如桃，唇乾鼻燥，腹中絞痛，是足陽明胃經痧也。其脉起足次指外間。又一支入足中指外間。又一支入足大指端。其引經藥，葛根、厚朴。白芷少用。或脇肋腫脹，痛連兩耳，是足少陽胆經痧也。其脉起足四指間。其引經藥，柴胡、青皮。或腹脹板痛。

不能屈伸四肢無力泄瀉不已是足太陰脾經痧也其脉起足大指端其引經藥酒炒白芍或心胸吊痛身重難移作腫作脹是足厥陰肝經痧也其脉起足大指叢毛上其引經藥柴胡青皮川芎或痛連腰與外腎小腹脹硬是足少陰腎經痧也其脉起足小指下其引經藥獨活鹽酒或咳嗽聲啞氣逆發噎是手太陰肺經痧也其脉起手大指端其引經藥葱白桔梗白芷少用或半身疼痛麻木不仁左足不能屈伸是手太陽小腸經痧也其脉起手小指端循外側上行其引經藥羌活少用或半身脹痛俯仰俱廢右足不能屈伸是手陽明大腸痧也其脉起手食指端其引經藥白芷少用或病重沉沉昏迷不省或狂言亂語不知人事是手少陰心經痧也其脉起手小指內側出其端其引經藥獨活細辛或醒或寐或獨語一二句是手厥陰心包絡經痧也又名手心主其脉起

中指端其引經藥柴胡丹皮或胸腹熱脹揭去衣被乾燥無極是  
手少陽三焦經痧也其脉起手無名指端其引經藥川芎少用夫  
既因十二經現症而知何經之痧即可因何經之脉所起之處以  
施針刺再用藥治之寧患痧脹之不愈或有謂針刺手足無如指  
頂爲妙者法最簡便忝用可也然而治痧莫要于手法更有不可  
不明者手法奈何不外焯刮放三者而已蓋痧在肌表有未發出  
者以燈照之隱隱皮膚之間且慢焯若既發出有細細紅點狀如  
蚊迹粒如痞瘰踈則纍纍密則連片更有發過一層復發兩三層  
者焯法看其頭額及胸前兩邊腹上肩腰照定小紅點上以帚撚  
條或粗燈草微蘸香油點灼焯之卽時曝响焯畢便覺胸腹寬鬆  
痛亦隨減此火攻之妙用也此焯法也痧在皮膚之裡有發不出  
者則用刮法若背脊頸骨上下胸前脇肋兩肩臂灣用銅錢或碗

口。蘸香油刮之。若在頭額項後。兩肘臂兩膝腕。用棉紗線或苧麻繩。蘸香油。見紅紫血點起。方止。大小腹軟肉內痧。用食鹽以手擦之。既刮出。痛楚亦輕矣。此刮法也。古人云。東南卑濕之地。利用砭。所謂針刺出毒者。卽用砭之道也。但今放痧。俱用鐵針。輕者一針卽愈。重者數刺不痊。蓋因痧毒入深。一經鐵氣。恐不能解。惟以銀針刺之。庶入肉無毒。又何懼痧患之至深乎。此刺法也。夫治痧之手法。既明而放痧之要處。宜悉。放痧者。卽刺痧也。其可放之處。有十一。在頭頂心百會穴。只須挑破。畧見微血。以洩毒氣。不用針入。二在印堂。頭痛甚者。用針鋒微入肉。不必深入。三在兩太陽穴。太陽痛甚者。用之。針入一二分許。四在喉中兩旁。惟蝦蟆大頭瘟可用。五在舌下兩旁。惟急喉風喉驚痧可用。急令吐出惡血。不可嚥下。六在兩乳乳頭。垂下盡處。是穴。此處不宜多用。不如看有

青筋在乳上下者刺之。七在兩手十指頭。其法用他人兩手。劫下不計遍數。捏緊近脉息處。刺十指尖出血。一法用綫扎住十指根。刺指背近甲處出血。隨人取用。若刺指尖太近指甲。當令人頭眩。八在兩臂灣曲池穴。臂灣名曲池。腿灣名委中。先蘸溫水拍打。其筋自出。然後迎刺。九在兩足十指頭。與刺手指同法。十在兩腿灣。看腿灣上下前後。有青筋所在。名曰痧眼。即用針迎其來處刺之。如無青筋。用熱水拍打腿灣。直刺委中。便是。惟此穴可深入寸許。或謂刺腿灣痧筋法。細看腿灣上下。有筋深青色。或紫紅色者。卽是痧筋。刺之方有紫黑毒血。其腿上大筋不可刺。刺亦無血。令人心煩。腿兩邊硬筋上不可刺。刺之筋吊。臂灣筋色亦如此辨之。此說忝看可也。以上刺痧要處。皆當緊切牢記。總之。凡痧有青筋紫筋。或現于一處。或現于數處。必須用針刺之。去其毒血。然用針必

當先認痧筋。醫者不識。孟浪用藥。藥不能到血肉之分。或痧症復發。痧毒肆攻。輕者變重。病家不能明其故。歸咎于醫。醫者之名。由茲損矣。故放痧必須令其放盡。然亦有不盡者。何也。蓋痧者。熱毒也。或悞飲熱湯。其青紫筋反隱不現。卽畧現放之。或毒血不肯流。刮痧亦不出。熱湯爲之害也。當急飲冷水解之。然後可再放。而血流。再刮而痧出。又有毒痧方發。爲食物積滯所阻。與痧毒凝結于中。卽放之不盡。刮之不出者。食物積滯爲之害也。當先消食積。而再刮放。或有痧毒滯熱極。血凝瘀。血不流。阻于胸腹。刮放不盡者。當先散瘀血。而後刮放。又有痧毒方發。兼遇惱怒。氣逆傷肝。作脹。故痧氣益盛。而刮放俱難盡。又當先用破氣藥。而再刮放。如此痧毒皆可漸消矣。然而痧筋不同。有現者。有微現者。有乍隱乍現者。有伏而不現者。其現者。毒入于血分爲多。乍隱乍現者。毒入于

氣分爲多。伏而不現者。毒結于血分。爲多。微現者。毒阻于氣分。爲多。現者。人知放刺。微現者。乃毒阻于腸胃。痧筋不能自顯。雖刺無血。卽微有血。點滴不流。治療之法。但宜通其腸胃。痧筋自現。從而刺之。可也。乍隱乍現者。又必待現而放之矣。至伏而不現者。雖欲放而無可放。必從脈不合症辨之。孰爲所發之病。在緩孰爲所見症候。甚急卽症與脈相合。又必細辨其何痧。治法。結于血者。散其瘀。結于食者。消其食。結于痰積者。消其痰積。迨結散之後。痧筋必然後復現。然後刺放。病其可得而理也。治痧之手法。寧有可不講求之者乎。如果善用手法。使痧毒得洩于外。則必再求用藥之法。以擴清其內。而治痧之藥。大約以尅削爲主。不可用補益。蓋以痧者。天地間癘氣也。入氣分。則毒中于氣。而作腫作脹。入血分。則毒中于血。而爲畜爲瘀。凡遇食積。痰火。氣血。因之阻滯。結聚不散。此所

以可畏也。故壯寔者有痧症，忽飲熱酒熱湯而變者，固然卽虛弱者有痧症，忽飲熱酒熱湯而變者，亦無不然。至如人有雜症兼犯痧脹，是爲雜病變端，亦畏熱湯熱酒。人不知覺，遂遭其禍，則痧症之發，又何論人虛寔乎？夫惟寔者犯之，固當以有餘治。虛者犯之，亦卽以有餘治。蓋其有餘者，非有餘于本原，乃有餘于痧毒也。故藥雖剋削，病自當之中，病卽已于本原，依然無恙。可見治痧之藥，絕無補法。痧之有實無虛也。明甚，然則有手法以洩毒于外，有藥劑以清毒于內，痧不旣治矣乎？乃竟有放血不出，用藥不效者，寧遂無法以治之。蓋痧筋隱隱，放之而血不流，卽昏迷不醒，勢在危急。若審其無食積血痰阻滯于中，急用陰陽水，或泥漿水，或晚蚕沙水，或白沙糖梅水，或細辛水，擇一種用之。俟其稍醒，然後扶起，再行別法療治。有因血瘀放之不出者，用桃仁紅花童便之類，有

因飯後便犯痧症。多用鹽湯或礬湯冷飲。以吐去新食。食久痧脹。用菴子山查麥芽消之。有積痧阻。用大黃檳榔驅之。宜晉方或痰血凝結昏迷欲死。不省人事。用菜油二兩麝香一錢調下立醒。如是先去食積血痰之阻滯者。則痧筋自然復現。痧氣自然散行。而後可刮。即刮可放。即放當藥。即藥蓋緣痧症初發未攻壞臟腑故也。總之肌膚痧用油鹽刮之。則毒不內攻。血肉痧看青紫筋刺之。則毒有所洩。腸胃及脾肝腎三陰痧。須辨經絡臟腑在氣在血。則痧氣內攻者可消。可散。可驅。而除其病根也。且凡病用藥得宜。斷無不效。獨痧症竟有得宜亦不效者。何故。夫痧熱毒也。熱毒宜涼。不宜溫。宜消。不宜補。湯劑入口。必須滯涼。涼則直入腸胃。而肌膚血肉之間。雖有良劑。安能得至。故治痧者。莫先于刮放也。如刮放而肌膚血肉之毒已除。後將腸胃脾肝腎之毒。用藥驅之。未有不效。

者矣。然有刮放過藥，仍不效。奈何？蓋雖刮而刮有未到，雖放而放有未盡。則肌膚血肉之毒猶在。故藥有不效也。若刮已到，放已盡，而痧症猶在，則毒惟在腸胃及肝脾腎三陰經絡。非藥將何以治之耶？雖然，痧之治法既已精詳，而痧之名稱又當枚舉。蓋痧各有受病之由。其原雖不離七情六氣，然不盡關七情六氣也。有因糞穢所觸而發，有因饑飽勞逸而發，有因傳染時行瘟疫而發。痧本無定脈。凡脈與所患之症不相應者，卽爲痧之脈。痧亦無定症。或感風感食感勞感痰，而以本症治之不效者，皆爲痧之症。有其症卽應有其名，有其名卽應有其治。故養吾于有所感而獨發爲痧者，定爲正痧。三十六症而以三十六方治之。又以痧之發或兼他症，或類他症，或變他症，皆有必然之勢。故復卽此而定爲變痧。三十六症而以二十八方治之。總計痧症共七十有二。治痧方六十

有四。又以一症有兼用數方者。有一方或可治數症者。有有症而  
不必用藥。因無方者。其方難于立名。遂取六十四卦象。定名編次。  
蓋以症皆已析。方皆已造。從古無七十二痧之名。亦無六十四方  
之治也。今得取其方。症而列陳之。曰風痧。頭疼。腿痠。身熱。自汗。咳  
嗽。腹痛。此因時邪所感。不可同傷風治法。純用疏風。當用刮法。後  
服藥。宜第一號 曰暑痧。頭眩。惡心。自汗。如雨。脈洪。拍拍。上吐。下瀉。  
腹痛。或緊。或慢。宜第二號 而亦有暑脹。不已者。宜第三號 濕象方。  
一散俱。曰陰痧。腹痛。而手足冷者。是也。宜用火焯。或因穢氣所觸。  
而致。宜第四號 曰陽痧。腹痛。而手足煖者。是也。出血。卽安。或因鬱  
氣不通之故。宜第五號 曰紅痧。皮膚隱隱紅點。如瘡疹相似。痧在  
肌表。感受雖淺。熱酒熱湯。亦不可犯。外用焯刮。宜第五號 曰斑痧。  
頭眩。眼花。惡心。嘔吐。身有紫斑。痧在血內。急用刮放。遲則漸入于

必生變症。

宜第六號

白烏痧。滿身脹痛。面目鰲黑。身有黑斑。

在臟腑。氣滯血凝。以致疼痛難忍。

宜第七號

吐痧湯水入口即

吐急。用伏龍肝研碎。水泡澄清飲。即定。若湯藥亦以此水煎之。

四號

否。曰瀉痧。水瀉不計遍數。不可下。不可澀。惟分理陰陽。用五

苓散。去桂白朮。換蒼朮。加車前木通之類。

宜五

曰緊痧。其痛急。霎

時暈倒不消。半刻即死。故曰緊。若知之者。急為放血。焯刮。

直擦痧

救。曰慢痧。緊痧只在頃刻。慢者十日半月死。甚或一月三四月死。

然亦必速治。蓋其死雖遲久。則痧毒延蔓腸胃。經絡正多凶險。如

痧毒結滯于身。或左右。或上下。或表裡。其在內者。先壞臟腑。在中

者。先損經絡。在表者。先潰肌肉。一不治。便成死症。夫痧之有緊有

慢。人多不識。未能逐症詳明。如初犯。邪氣勝。元氣衰。或十日半月

一發。或一月二月一發。久之則日近一日。蓋由胃氣本虛。故爾數

犯當用藥以充其胃氣則毒自解而痧自斷矣宜六十四號歸妹方曰暈症

一時頭眩眼暗昏迷跌倒乃毒痧所攻毒血一冲必至敗壞臟腑

其勢甚急不能少延蓋因毒血與食積痰氣結聚心腹胸膈而經

絡不轉氣血不通雖放而血不流雖刮而痧不顯治法視其食積

痰血氣阻及暑熱伏熱穢氣之類消之散之俟胸膈一鬆則昏迷

自醒然後驗其青紫筋以刺之宜第八號大有方曰絞腸痧心腹

絞切大痛或如板硬或如繩轉或如筋吊或如錐刺或如刀刮痛

極難忍輕者亦微微絞痛脹悶非常放血可愈若不愈必審脉症

何因辨明暑穢食積血痰氣阻治之須連進數劑俟其少安方可

漸為調理此症多有放血不愈不肯服藥遂致痧毒攻壞腸胃而

死者良可惜哉本症右手脉伏宜放血用第十號節象方第八號

大有方十一號屯象方服下能熟睡即愈如昏沉

絞痛口吐痰涎宜先刺指頭出血用十二號既濟方冷砂仁湯調

下并一號乾象方加山豆根茜草金銀花丹參山查藤子服之安

內傷外感

卷二十一

如盤腸絞痛脈俱伏宜十三號革象方十四號豐象方或飲之稍愈後復絞痛非常叫喊不已宜十五號明夷方十六號師象方必愈

曰抽筋痧兩足筋抽疼甚忽一身青筋脹起如筋粗必須處處大放毒血宜十七號良象方曰暗痧心悶不已不食行坐如常即飲溫熱

不見凶處心腹腰背不痛但漸漸憔悴日甚不治亦大害此痧之

慢而輕者放之愈更有頭痛發熱心中脹似傷寒亦有往來寒熱

似瘧悶悶不已又有咳嗽煩悶似傷風有頭面腫脹面目如火有

四肢紅腫身體重滯不能轉側此痧之慢而重者慢吃熱物遂乃

沉重或昏迷不醒或痰喘氣急狂亂如遇此等必當審脈辨症果

係何因在表者刺在中者放在裡者或煎或散或丸須連進數服

俟其少安漸為調理一婦忽不省顏黑左脈洪大有脈沉微此暗痧也刺腿灣青筋出紫黑血不甦次日用十

號節象方稍甦至五日又刮痧用十八號賁象方乃大甦一老人六月發熱昏迷舌上黑胎芒刺狂罵不已六脈伏此痧之極重

者刺之血不流用十號節象方十九號大畜方稍冷飲之又用三

號逐象方次日痧退少甦但身重如石黑胎不退用六號剝象方

而症一婦懷孕失火急下橫墜仆絕聲以驚治不效安胎又不  
 效明日胎下兒已死診之脈伏細按如有一絲但四體溫軟如熟  
 睡狀急為刺手足血便呻吟投滌痧散遂甦曰悶痧痧毒冲心發  
 更用十九號大畜方并二十號損象方而痊  
 暈悶地似中風中暑人不知覺即時而斃此痧之急者如畧甦扶  
 起放痧不愈審脈用藥急投滌痧丸如發暈不甦扶不起必須辨  
 症的確用藥數劑灌甦再放痧再調治宜十號節象方曰落弓痧  
 忽昏不省或痰喘目上吊如小兒落弓症此暗痧難識必須審脈  
 辨症是何痧毒再看身之涼熱唇舌潤燥何如然後治之宜十五  
 方如痧氣未盡宜二十一號緊象方加銀花山查丹參龍子一人  
 常身熱口渴微渴飲熱茶忽昏迷左尺沉細動止不勻右寸浮孔乃  
 腎虛而痧犯之腎水之痧逆行于肺故痰氣壅盛而發暈也用二  
 十二號履象方加貝母牛膝入童便飲之更用二十三號中孚方  
 然後扶起曰噤口痧不語語亦無聲乃痧氣鬱盛熱痰上升阻逆  
 放痧愈  
 氣管咽喉閉塞而然宜先放血審肺腎脾三經脈次之推詳餘經  
 則知病之所由來矣一女為後母所詈痧脹昏沉不語左關有力  
 右脈沉伏乃傷氣之痧也陳香櫟一個煎湯

內傷外感 痧脹

卷五十一

微冷服稍有聲次日左關弦長而動蓋因怒氣傷肝痧氣尚阻肝  
經之故刺委中三針血出如注又刺頂心臂指十餘針乃用十八  
號賁象方二十四號漸象方加元胡索香附微溫服之乃痊曰撲鴛痧痰涎壅盛氣急發喘喉  
聲如鋸此三焦命門之痧也當放臂指腿灣青筋紫黑血不愈服  
藥宜十三號草象方二十一號喉象方外吹二蓋此症痛如喉鴛  
狀但喉鴛喉內腫脹痧只如喉鴛之痛而不腫脹形如急喉風但  
喉風痛而不移痧則痛無一定且痧有痧筋喉鴛則無可辨也曰  
角弓痧心胸脹極痧毒內攻故頭項向上形如角弓反張是臟腑  
已壞死症也然反覆試驗又得一治法胸腹脹悶自不必言身難  
轉側或手足拘攣不能屈伸有時蹉躑有時反張急將毛青布一  
塊蘸油燒抹其手足拘急處再口含火酒噴其通體少頃定覺舒  
展鬆動然後用藥或可回生宜十號節象方十曰瘟痧寒氣鬱伏  
肌膚血肉間至春而發變為瘟症是名瘟痧又暑熱傷感凝滯于

肌膚血內中至秋而發亦名瘟痧但春瘟痧毒受病者少不相傳

染時或有之秋瘟痧毒受病者多老幼相傳甚至一家一方俱犯

其發也惡寒發熱或腹痛或不痛似瘧非瘧或氣急發喘頭面腫

脹胸膈飽悶或變下痢膿血輕者牽連歲月重者危急一時治宜

放血消食積為主然後和解清理宜九號坎象方二十八號曰滿

痧初起跌倒牙關緊閉不省人事捧心拱起鼻塌耳鳴急為大放

毒血宜七號晉象方九號坎象方曰脫陽痧小腹急痛腎縮面黑氣短

出冷汗名為脫陽有以發痧用連翹葱白三莖研爛酒四碗煮二

碗作三服又炒鹽熨臍下氣海穴令氣熱自愈曰羊毛痧腹脹連

背心或腰膝如芒刺痛宜用燒酒瓶頸佐研細將燒酒和成團帶

依在團上疼即曰羊筋痧腹脹潮隨痛處將團上滾少頃即有細細羊毛

止屢用皆驗前或腰背當用小針穿皮提出筋毛自愈只揀疼處看其有毫毛

聚起者便是。宜滌痧凡膏曰紫痧痧症不內攻則外潰即如為

腫為毒之外又有發為紫疱血者此真痧之異者也宜刺腿及

手指頭令出毒血。宜三十號曰瘋痧曾見一人犯大麻瘋症眉髮

俱脫面目頹敗手足踈攣遇一老者為之放痧三次曰痧瘋也傳

一方日日服之以漸而痊瘋者天地之癘氣蓋惡毒之氣纏于血

肉散于肌表留于經絡以成瘋症最惡候也痧亦時行惡毒之氣

所鍾變為大瘋又何疑乎。老人所傳奇方金銀花六錢苦參四錢

一錢半皂角刺一錢水酒各半煎附風痧手摩內鑽痒無此

症無藥吃亦不多見惟有急破去虱剝去皮一法耳曾見一人遍

身起大疱其痒無比用熱水洗之稍解嘗欲眠于日血痧胸中脹

搥滿包上疱若破內藏虱一包如此數月而死

問飲食俱廢兩脇疼甚口中嘗湧出淡紅色血沫如西瓜瓢宜用

香為君即丹陽香佐以茜草劉寄奴之類治之自愈曰蛔結痧毒攻胃故蛔死入于大

腸與宿糞相結腹中大痛是為蛔結又有痧毒入胃胃必熱嘔之

極。蛔不能存。因而上湧。乘吐而出。或蛔結腹痛。不大便。或入大腸。由大便而出。與傷寒吐蛔伏陰在內者不同。法當清其痧脹。爲主。先用刮放後服藥。宜二十六號豫象方十五號。曰銅痧。渾身上下。頭面眼珠盡如姜黃色。直視四肢僵直。六脉似有似無。一時又如沸羹。大小便閉。淹淹欲死。急投滌痧丸。刺指臂委中。俱令出黑血。宜三十二號。曰鐵痧。頭面手足十指如錫煤色。不治以週身血凝。聚也。急深刺委中。令多出黑血。用火酒擦身。法曰痧塊。痧毒留于氣分。成氣痞塊。留于血分。成血塊痛。壅于食積。成食積塊痛。蓋因刮放稍愈。痧毒未盡。不用藥消之。故治法在氣分者。用沉香砂仁之類。在血分者。用桃仁紅花之類。由食積者。用枳榔葶子之類。或氣血俱有餘毒者。兼治之。更兼食積。并治之。又有痧症。不思食物。痧毒裹食。結成痧塊。兩脇下痛。其痧塊變症多端。故難治。且治痧。

唯在初發。若不知。或飲溫熱。毒血凝結。卽慢痧。不至殺人。亦成脇痛。癩之日久。勢必難散。宜二十九號并象方三十三號巽象方與三十四號曰身重痧。痧症初發。勢雖凶暴。未必身重。若飲熱湯。熱酒。痧毒卽阻塞。經絡血肉之間。偏身重痛。不能轉側。或嘔吐。腹脹。脈伏。放痧之後。治先消癩解毒。宜三十五號家人方如痧氣漸減再放痧用三十六號益象方曰心煩嗜睡。痧氣冲于心胸。故心煩。或嗜睡。此等俱慢痧。若誤以心煩嗜睡治之。必日甚。倘吃溫熱。必日凶。至不起。治法刺血。爲三。可不藥而痊。曰偏身青筋。痧發。面色如靛。滿身青筋。脹起。粗如筋。痛自小腹起。攻上胷膈。困倦不堪。切不可誤認作虛。急刺曲池。委中。出黑血。宜滌痧丸曰遍身腫脹。痧痧者。暑熱時疫惡癘之氣。攻于裡。則爲痰喘。爲癩血。昏迷不省。若元氣寔內。不受邪。卽散其毒于肌膚血肉之表。爲腫爲脹。若誤吃熱湯酒。便成大害。此痧之

暗者宜從脉異處辨一女手足俱腫將及于腹六脉弦細沉遲此  
 二十餘針黑毒血出用十號節象方并散痧解毒消痰順氣藥十  
 餘帖安一女久生瘡腹腫如鼓手足腫左脉微數右脉歌止夫  
 瘡毒脉必洪數今脉症不合此慢痧為患也刺腿灣青筋五針又  
 刺指頭十餘針用十號節象方并三十六號益象方連進五服乃  
 痊以上三十六正痧也試更即三十六變痧述之曰傷寒兼痧凡  
 傷寒頭痛寒熱諸症或當暑天或觸穢氣或感疫癘忽犯痧脹是  
 惟認脉看筋辨之必先治痧痧退乃治傷寒若悞食溫熱湯酒生  
 姜立見凶危一人傷寒發痧昏沉卧不能轉蓋痧氣冲心故昏迷  
 允妄方痧退治傷寒而痊一女太陽傷寒治之四日面赤身熱  
 心胃煩悶六脉洪大無倫此兼痧症也刺青筋一針流紫黑血餘  
 有細筋隱隱痧氣壅阻之故用三十四號小畜方二帖稍鬆次日  
 筋大見刺九針服二十三號中手方少安又早飲食復發熱面赤  
 又刺兩足青筋用小畜方二帖稍痊偶飲溫茶立刻狂言此痧未  
 盡散故又發耳飲冷井水二碗更服小畜方數帖痧乃清但病久  
 身虛服參日痧症類傷寒傷寒集中僅有四症類傷寒至于痧症  
 甚始愈

寒發熱是太陽經症。寒從肌表而入，故宜發散。若痧症頭痛，是痧毒上攻頭面三陽，不因外感，其惡寒發熱雖在肌表，是時行之氣所感。由呼吸而入，搏擊于肌表之中，作為毒熱內熱，則外寒故亦惡寒。治宜先刺顛頂放痧，以洩其毒。用藥惟以透竅解毒順氣為上。若誤用麻黃羌活發表太甚，反助痧毒火邪勢，必惡毒攻冲，作腫作脹，立時凶危。故痧與傷寒症雖同，而治各異。要知痧症宜清涼，則痧毒可內解。傷寒宜辛散，則寒氣可外舒。固不可以治痧症者治傷寒，更不可以治傷寒者治痧症也。急刺腿灣指臂及頂心。宜十號節象方三十八號壘盞方三十九號願象方四號否象方曰傷風咳嗽痧，痧從時氣所感，因而咳嗽，肺經受傷，不可同傷風治。蓋傷風以疏風為主，痧則當以刮放為先，用藥以清喉順氣涼肺散痧為上。宜四十號盞象方曰咳嗽嘔噎痧，痧毒之氣上凌肺金，故氣逆發哈而咳嗽痰涎上

湧或嘔噦惡心。或面目浮腫。或心胸煩悶。此熱毒入于氣分。痧筋。往往不現。當刮之間。有入血分者。必待痧筋方刺之。急宜清理其痧毒。若從傷風治。悞矣。宜十號節象方加童便微冷服。又二十號損象方或一號乾象方加貝母薄荷童便。曰霍亂痧痛而不吐瀉者。名乾霍亂。毒入血分也。宜放痧。新食宜吐。久食宜消。食積下結。宜攻。痛而吐瀉者。毒入氣分也。宜刮。痧有痧筋。則放。宜調其陰陽之氣。須知腸胃食積。宜驅。不宜止。止則益痛。若吐瀉而後痛者。此因瀉糞穢氣所觸。宜用藿香正氣散。須防食積血滯。或消或攻。或活血。山藥茯苓不可亂施。燥濕之品。溫煖之藥。俱在所禁。乾霍亂盤腸大痛。先放痧。後即服藥。宜十號節象方與瀉下丸。妙。若上腹大痛。吐瀉數十次。痛更甚。宿食雖吐瀉盡。乃毒入血分。血瘀作痛也。宜二十七號損象方。曰痧痢。夏傷于暑。秋必瘧痢。痢疾初發。必先泄瀉。瀉則腸胃空虛。虛則易觸穢氣。即成痧痛。或天

氣炎熱時行疫癘。感動腸胃。因積而發。亦致痧痛。夫痢不兼痧。積去便輕。若一兼犯。勢必絞痛異常。止治其痢。亦不效。或變痢如猪肝色。或如屋漏水。或惟紅血水。或變噤口不食。嘔吐凶危。或休息久痢。惟先治痧。兼治積。則痧消而積易去。積去而痧可清矣。急宜刮放。宜九號坎象方砂仁湯。或更發熱脹悶沉重。痢下紫血。六脉洪大不勻。此痧氣不清。毒尙盛也。急刮放。宜三十五號家人方入菴草五靈脂烏藥香。日痧類瘧疾。痧有寒熱往來似瘧。或昏迷沉附。當歸以導其瘀。曰痧類瘧疾。痧有寒熱往來似瘧。或昏迷沉重。或狂言亂語。或痰喘不休。或心胸煩悶。叫喊不止。或嘔噦吐痰。睡臥不安。或大小便結。舌黑生芒。如此重極。脉必有變。不與瘧同。宜細辨之。一人曰。脯潮熱昏沉。脹悶大便不通。胎厚舌焦。左脉浮大。而虛右脉沉細。而澁。若是瘧脉。不應虛且澁。視其乳下有青筋刺出。黑血用散痧消毒活血之藥。諸症退。又曰瘧疾兼用劑下丸三錢。大便通。惟寒熱未除。用小柴胡湯愈。曰瘧疾兼痧。瘧疾連朝間久。多因暑熱相侵。心中迷悶。或感疫氣。兼犯乎痧。

瘡因疔變勢所必至。不可慢以爲瘡而忽視之。瘡猶可延。疔必傷人。自非先治。疔決難全。愈兼疔之禍。可勝道哉。宜十號節象方又八號大有方

或有本患瘡疾。日晡寒熱七八日後。忽吐熱不已。昏沉不醒。左脉

不勻。右脉虛澀。此非瘡脉。乃爲瘡之變症。非疔而何。刺臂出毒血。

不愈。服藥。宜五號觀象方加藿香。蘇子厚。朴。檳榔。并四十一號離

用十八號賁象方次日再刺指頭。即觀象方加大黃。枳。是侯熱退再

方運動其氣曰頭痛。疔毒中臟腑之氣。閉塞不通。上攻三陽

巔頂。故痛入腦髓。發暈沉重。名真頭痛。且發夕死。夕發旦死。急刺

破巔頂。出毒血。以洩氣。藥則惟破毒清臟爲主。疔毒中臟腑之血。

壅瘀不流。上冲三陽。頭面肌肉。故肌肉腫脹。目閉耳塞。心胸煩悶。

急刺破巔頂。及其餘青筋。藥宜清血。分破壅阻。爲要。氣分宜四十

血分宜先冷服紅花膏子半曰心痛。疔毒冲心。屬之干氣。則時

蓋再用四十三號。即象方。曰心痛。疔毒冲心。屬之干氣。則時

疼時止。痰涎壅盛。昏迷煩悶。此其候也。治宜刺手臂。服順氣藥。爲

主痧毒攻心屬之于血則大痛不已昏沉不醒此其候也治宜刺

腿灣服活血藥為主遲則難救宜十一號曰腰痛痧毒入腎則

腰痛不能俯仰若誤吃熱湯酒必煩躁昏迷手足搐搦舌短耳聾

垂斃而已故凡痧中于腎脉或左尺虛微右尺洪寔或兼歇止者

急刺腿灣出黑血宜二十二號曰大腹痛痧毒入大小腸則小

腹大痛不止形如板推絞切不已治之須分左右二股屈伸為驗

如小腹大痛每每左卧左足不能屈伸小腸經痧也或痧筋不現

先服藥宜四十四號未濟方兩三劑俟筋現刺左腿灣二三針出紫黑血再服

藥宜二十三號中手方冷服愈如大腹大痛每每右卧右足不能屈伸大腸經

痧也急刺右腿灣青筋三四針出毒血服藥宜二十二號如夏月

不頭疼發熱但覺小腹痛或心腹俱痛脹痞不能屈伸此皆暑火

流注臍腑故先小腹痛徧及心腹急用藥宜六和湯清解之或四苓散加木瓜紫蘇香茹

和散之或藿香正氣散加山梔或  
 用炒鹽和陰陽水探吐痰涎亦可  
 曰頭眩偏痛痧氣慢者上升  
 於三陽頭面常覺頭眩內熱或半邊頭痛心煩不安宜刮痧不愈  
 用清熱下氣之劑治之曰流火流痰痧毒傳遍不待時日朝發  
 於足而足腫痛夕發于手而手腫痛朝發于肌膚而紅腫夕發于  
 裡而痰喘不休此等痧乍隱乍現乍來乍去按脈而痧脈又不現  
 最難識認如痧毒所流及之處熱者似流火而非流火腫者似流  
 痰而非流痰或痒痛不已或但痛之極又痧之變者也欲知此痧  
 須看病勢凶暴不比流火流痰輕且緩者驗于痧筋發現刺之無  
 疑然後憑脈所犯風暑濕食痰血氣阻分治之斯能有效一女人  
 疑然後憑脈所犯風暑濕食痰血氣阻分治之斯能有效一女人  
 足小腿紅腫大痛夜即腹痛而足痛止次日左足小腿紅腫大痛  
 腹痛又止來去不常痛無一定但六脈如常難據為痧委中有青  
 筋三條刺之血甚多反加痰喘放痧未盡也用十六號漆象方加  
 土貝母三錢二帖少愈次日又刺左委中痧筋一條巔頂一針用  
 前方加牛膝三錢痧退又用二十三號中孚方腫痛俱痊一人  
 喚間右腿紅腫痛之已猴秀腫痛初不覺其為痧只見時症犯此

內傷外感

痧脹

卷五

七

者甚多細看兩臂痧筋刺出毒血用十六號師象  
方倍山查藤子加大黃一錢飲之食消便下而安曰痰喘氣急痧  
先痰喘氣急痧脹因之先治痧後治痰氣無令痧為本病之助先  
痧脹後痰喘氣急因之但治痧而痰氣自愈若痧有寒熱不清痰  
喘氣急者兼和解痧有但熱無寒喘急者兼消食順氣有二便不  
利喘急者有痢膿血或赤白喘急者但急攻裡有瘀血凝滯小便  
利大便黑喘急者當防痧毒攻壞臟腑不痛者可治痛不已者難  
治服藥不應者必死一人發熱頭疼脹悶昏迷痰喘氣急六脈無  
稍冷服又用四十五號象方脹平再用一號乾象方加青皮連  
喬山查藤子蒸大黃病痊一婦喘急脹悶刺乳下二針出紫黑  
血用二十八號恒象方二帖愈一人喘急發熱身重腹中絞  
痛刮放不效用四號否象方十四號豐象方加大黃服之愈曰  
半身不遂痧心主血痧毒中血分故易攻心此痧症所以發昏也  
若慢痧冲激遲緩留滯經絡或左或右半身疼痛或麻痺不仁遂  
成半身不遂總因痧毒為害也見有青筋急宜刺破乃用藥散毒

活血消瘀始得愈。宜四十六號曰：臟脹兼痧先厥脹忽痧氣乘之。臟

脹益甚。在臟不可先醫。在痧自宜早治。一人腹脹如鼓。臍突筋青。

心口將平。知為血鼓症。其指頭黑色。兼痧無疑。刺二十餘針。腿臂

出血。暑鬆遂服藥。宜十九號大畜方。臍下青筋漸退。後用鼓脹藥

不復發。曰：痧變厥脹。痧者毒也。慢痧之毒遷延時日。留滯肌膚腸胃

中。若不早治。即成真鼓。一人氣急作脹。胸腹飽悶。臍下青筋突起。

針筋淡腹鬆用曰：老病兼痧。先患痰火咳嗽。忽喘急痰涎。喉聲如

錐。或頭汗如油。喘而不休。心胸煩悶。莫可名狀。雖是痰火危困。然

有兼感。時氣或觸穢。驟然勢盛者。必宜察脈按症。先清痧。次治痰。

漸補氣血。斯可耳。一婦素痰火或痰壅喘急。六脈雀啄。此兼痧症。

用四十五號蒙象方漸曰：弱症兼痧。先患癆弱。或吐血。或乾嗽。兩

顴唇口鮮紅。或骨蒸熱。一感時氣。或觸穢。必兼痧症。或痰喘。或咽

喉如哽或心腹脹悶煩躁發熱較之平時不足益加沉重此宜先  
治痧令痧毒退盡方治本症宜十號節象曰內傷兼痧人有內傷  
詎無外感外感不獨風寒即暑熱時疫傳染穢惡觸犯一受之亦  
如外感然內傷本病也外感標病也內傷兼痧宜先治痧次治本  
病一老婦奪產爭毆發熱咳嗽吐痰胸中脹悶知是內傷兼痧刺  
其內傷下黑糞瘀血諸症除後用曰痧變癆瘵痧症有忌飲熱湯  
六十二號謙象方并前虛症亦除者有反喜熱湯者惟喜飲熱痧益難辨慢痧所以漸成癆瘵也原  
夫痧毒之始入于氣分令人喘嗽吐痰發熱聲啞蓋火毒傷肺肺  
為嬌臟若不知治變為百日緊癆輕亦數年難愈卒至危亡入于  
血分重者因變在即輕者歲月揆延若乃毒瘀胃口必須去毒而  
愈毒瘀肝經損壞內潰吐血數發勢極凶危毒瘀心包絡更加凶  
險不待時日毒瘀腎經腰脊疼痛嗽痰咯血日甚難痊凡痧毒遺

患總成癆。瘵治須識之于始。莫咎厥終。一人瘵脹不服藥。但放痧。三次胃腕間成一塊。噉痰。

發熱不食。日瘦。右關。乳。繫。餘。皆。數。此。內。有。瘵。血。必。吐。出。方。解。用。桃。仁。蘇。木。澤。蘭。白。疾。藜。香。附。烏。藥。酒。煎。服。吐。出。紫。黑。血。碗。許。更。用。活。血。引。下。藥。加。曰。痧。變。吐。血。衄。血。便。紅。痧。毒。冲。心。則。昏。迷。冲。肺。則。氣。童。便。酒。服。愈。

喘痰壅甚。則糞。入肝。則胸脇疼痛。不能轉側。甚則血湧。吐出。流于大腸。則大便血。流于小腸。膀胱。則小便血。治宜先清痧毒。順其所出之路。則氣自順。而血自止矣。一人放痧。不服藥。變筋骨疼痛。十日後吐血。甚多。疼痛不愈。脉

九號。坤象。方加益母草。金銀花。牛膝。連翹。一曰。痧。變。發。斑。痧。粒。不。過。紅。點。而。已。至。有。渾。身。成。片。斑。爛。發。熱。頭。暈。者。宜。五。號。觀。象。方。其。有。痧。變。發。黃。者。邪。熱。攻。乎。脾。胃。而。土。之。本。色。見。于。外。也。脾。胃。雖。屬。土。

又有濕熱之分。蓋脾陰臟屬巳土。主燥。觀其納甲于離宮。可見胃陽腑屬戊土。主濕。觀其納甲于坎宮。可知一濕一燥。濕熱熏蒸。如

內傷外感 痧脹

卷五 十九

會麴之狀。故發黃也。其方治載銅痧條曰：犯痧小便不通，痧毒結

膀胱，令便溺不利，小腹脹痛難忍。宜四十四號未濟方曰：眼目怪

症，痧痧者火毒也。若犯痧症，透與心主之火相合，痧毒逆冲，須防

攻心之患。今少陰心君不受邪逆，犯厥陰肝母，故兩目紅腫如桃

甚，則眼珠突出。然他症患目，惟在于目。若因痧為患，必心中煩悶

而目疾因之。不早治，則痧毒已參陽位，其火炎極，輕則壞目，重則

殞命。治宜先刺巖頂白會穴，以洩毒氣，用清火活血順氣藥加牛

膝石斛引火歸原，良法也。若心中煩悶頭眩，兩目紅腫大痛，眼珠

挂出，左目尤甚，至晚即昏沉眩暈。宜五十號復象方加若兩目通

紅，甚至起障生翳，此痧之餘毒在肝。宜五十一號若兩目通

痧後牙疳，此痧毒入于胃也。宜五十二號曰：痧後胸膈痛，毒雖

退，尚留瘀血在胸膈間，是積血作痛也。宜失散曰：婦女倒經，痧經行

之際適遇痧發經阻逆行或鼻紅或吐紅肚腹腫脹臥床不能轉側肚腹不痛亦爲暗痧若痧毒攻壞臟腑者不治急放痧宜五十大吐日胎前產後痧孕婦犯痧最易傷胎產後犯痧須防惡阻較之平人更甚當急救若暗痧陡發則胎前痧脉溷于有孕產後痧脉雜于惡阻又無心腹痛可據須當究其症候察其聲色看有痧筋急宜刺破肌膚痧壅焙刮兼施至若痧毒橫行肆攻臟腑莫可挽回矣白胎前痧痛毒氣攻冲絞動殞命傷胎豈爲細故至如安胎用白朮當歸茯苓之類痧所大忌以痧脹所宜惟是被氣破血之味又胎孕所忌斟酌其間活血解毒用金銀花益母丹參紅花寄生消瘀而不傷胎元順氣用香附陳皮厚朴砂仁烏藥行氣而不傷胎氣散痧用防風荆芥細辛透竅而不動胎孕消食積用山楂葡萄蘘芽麥芽寬中而不伐胎性採擇于中最爲穩當然此等藥勢

盛難于速效。權用一二味。尅藥。恐于胎氣有妨。不可不慎。宜五十四號共

象曰。產後痧痛。產後用藥。必須溫煖。痧症用藥。惟重清涼。既屬相

反。而處治之方。毋執產後一于溫煖。亦毋執痧症一于清涼也。今

統製一方。為臨症之法。散痧用獨活。細辛。破血用桃仁。紅花。順氣

用香附。烏藥。陳皮。解毒用金銀花。紫花地丁。消食用山查。葛子。神

曲。麥芽。如產後常用。姜。炭。肉桂。以溫血。是痧症所忌。痧症必用荆

芥。防風。以散痧。連。喬。薄荷。以清熱。又產後所不宜也。况痧症脹極。

尤貴。大黃。枳。寔。樛。榔。以通積滯。而產後更不可用。蓋痧而用溫。脹

者。益脹。產而用涼。痧者。益痧。惟取微溫之氣。則兩不相妨。更加童

便。以清熱消痧。豈非良法乎。一產婦三日腹脹絞痛。惡露不通。夫

後本病。脈洪。數有力。兼痧無疑。先飲童便一杯。少避刺。吐毒血。用

二十二號履象方。痧盡惡露行。一婦漢。日惡露太多。惡寒熱。胃

中脹悶。脈洪大。無倫。今惡露去盡。此脈不宜放。刺紫筋。二條。便

不洪大。又刺臂。指十餘針。用五十五號需象方。四帖。病痊。一婦

產六日身痛寒熱如瘧昏悶脈歇止指甲黑乃兼痧症 曰小兒夾

也刺指七針舌底一針稍緩用五十六號比象方愈

驚痧小兒一時痰涎壅盛氣急不語眼目上翻手足發搐肚腹脹

滿悞作驚治不效看有痧筋速為出血額現痧粒急為火焯先令

痧退然後治驚宜四十五號象方曰痘前痧痘本先天因時而發必由外

感如痧亦時疫之氣所感作脹作痛而胎元之毒因之俱發凡痘

未見點之前痧脹必心胸煩悶痰涎壅塞甚至昏迷不省此其候

也小兒滑疾之脈類于痧症厥厥動搖之脈雖若疑似難明然有

痧筋可辨單用藥清之痧自退痘自起矣若痘點既形觸穢痘隱

者痘科自悉不載一兒痘初發犯痧腿灣有痧筋二條余曰兩目

口熱如爐紅紫之色熱之盛也但是疾喘氣急腿灣痧筋必痘因

痧脹而發治宜先透痧或兼發痘用五十七號充象方一帖稍冷

服痘乃發十日痘後痧脹痘後中氣多虛有感必傷一遇暑熱及

穢惡即成痧脹往往忽然生變人多認為惡痘所致竟不知痧之

為害有如此也。

宜二十六號豫象方合二十八號恒象方

曰痘前痘後痧論凡痘前後

見有痧筋止可辨其為痧用藥治之切忌針刺非不可針也痘變

不常若一差池為害不淺故切切不可用針也曰瘡症兼痧瘡痛

者心火血熱所致故火盛而膿腫作痛然膿瘡雖痛必漸漸而來

非若兼痧之駢故凡瘡瘍兼痧其腫痛必多可畏處况瘡脉多洪

數兼痧脉固不同筋色又可辨驗不容混也急刺指頭及頭頂宜

十八號困象方五曰痧變腫毒痧毒不盡留滯肌肉腠理間即成

腫毒急先放毒用解毒散痧藥以除其根然後審毒所發照十二

經絡臟腑分陰陽寒熱處治輕則消重則拓虛則補寔則瀉若紅

腫甚者屬陽宜五十九號萃象方白色平腫不起發者屬陰宜六十號毒又

有半陰半陽者宜五十八號困象方凡毒穿破後護之宜點太乙膏若腫毒無膿

止有毒水流出或膿少血多須拔去毒水膿血宜飛龍奪命丹研碎些些填太乙膏

中。毒。水。盡。但。貼。膏。有。毒。口。難。收。者。收。之。宜。換。紅。玉。散。一。人。發。背。疽。黑。爛。一。人。發。背。疽。黑。爛。一。人。發。背。疽。黑。爛。

惡。毒。用。冷。團。藥。而。成。此。疽。也。令。去。團。藥。放。痧。訖。俟。痧。氣。絕。用。六。日。十。號。威。象。方。溫。托。之。外。敷。如。前。法。另。有。六。十。一。號。寒。象。方。選。用。

痧。後。調。理。痧。退。之。後。痧。氣。已。絕。氣。血。虛。弱。者。急。補。之。宜。六。十。二。號。三。號。小。謙。象。方。六。十。

過。方。若。屢。患。痧。症。者。待。痧。氣。既。清。調。理。之。宜。六。十。四。以。上。三。十。

六。變。痧。也。列。正。變。之。名。目。攷。正。變。之。症。狀。備。正。變。之。方。治。痧。焉。度。

哉。痧。焉。度。哉。以。是。知。養。吾。之。書。寔。能。發。前。人。所。未。發。足。為。軒。岐。之。

功。臣。也。余。能。不。祖。其。說。而。述。之。哉。

脉。法。王。養。吾。曰。痧。症。脉。多。微。緩。細。澀。有。時。弦。數。縱。浮。大。亦。虛。

而。無。力。疾。徐。不。倫。或。六。脉。俱。伏。伏。亦。無。妨。一。手。伏。者。有。一。部。兩。

者。部。伏。痧。氣。一。退。脉。即。漸。還。假。如。頭。疼。吐。熱。脉。應。洪。是。而。反。微。遲。

者。痧。也。如。厥。冷。不。語。脉。應。沉。細。而。反。滑。數。者。痧。也。大。抵。痧。脉。與。他。脉。有。異。脉。症。不。符。便。舍。症。而。從。脉。凡。診。痧。無。過。此。兩。言。盡。矣。

且痧之毒氣冲激于經絡血內之分。或脉多洪數。或沉緊。或大而無倫。或洪寔有力。若症脉稍有不合。便審痧筋。有無有則候刮放後。再診脉之來復如何。以斷病之寒熱虛寔。從治無則。憑脉斷其寒熱虛寔。用藥如傷寒雜病。自有本脉。若一兼痧其脉必變病。必凶暴。然兼痧之脉。自可細攷而知也。傷食之痧脉。多緊寔。傷血之痧脉。多芤滑。傷暑之痧脉。多洪滑。而數疾。傷風之痧脉。多沉微。觸穢之痧脉。多變異。不常。傷氣之痧脉。多沉伏。或形如雀啄。傷寒濕之痧脉。多沉細耳。或有痧脉。一似陰症者。尤不可不辨。蓋痧毒之氣。阻抑於經絡血內間。故多沉伏。卽有別病兼痧者。亦然。如傷寒脉沉遲無力。是真中三陰經之脉也。治用熱藥固無疑矣。惟傷寒兼痧。痧脉與陰症相似。莫辨。一服溫補熱藥。痧毒變勾。悔無及矣。凡臨傷寒症。見有沉微或伏之脉。

一似直中三陰經。其外視症候。稍有不合者。便取痧筋。驗之。有則爲痧。無則爲陰症。施治。或涼或熱。萬不失一。且刮放服藥之後。血內經絡之分。通而無阻。卽按其脉。便不復如前之沉微。或伏矣。然後按脉辨症。治其傷寒。未有不效者。至如雜病兼痧。有沉微或伏之脉。亦以此法。驗之。誠爲至當不易。是故凡痧察脉。可決死生。脉微細者生。寔大急數者重。脉洪大無倫者凶。一部無脉者輕。一手無脉者重。兩手無脉者死。六脉無根。放血服藥不應者。不治。諸怪脉現。放血服藥不應者。死也。總之治病欲辨明虛寔寒熱之法。斟酌輕重緩急之宜。惟脉是恃。若諸脉伏。不可推測。醫者將何以斷驗乎。故必求他症以辨之。方有治法耳。當諸痛脉伏者。推驗筋之青紫。識其爲痧。卽諸病不痛而脉伏者。亦必推驗筋之青紫。識其爲痧。蓋因痧毒氣壅血瘀于經絡。

間。故爾脉伏。若刺放血流。氣亦泄。毒無壅阻。而脉乃復其常。至  
于重症。傷在三陰。針刺有所不到。血流有所不盡。惟從食積血  
痰所阻之毒以治之。脉且隨藥而復。乃知痧症脉伏。反爲平常  
事耳。

痧脹原由症治。陶節菴曰。濕霍亂死者少。乾霍亂死者多。以  
上不得吐。下不得利。上下不通。腹痛甚。而頭疼發熱。此爲乾霍  
亂也。犯此死者多。因其所傷之邪不得出。壅塞正氣。陰陽隔絕  
也。宜先用吐法。再服藥。繆仲淳曰。絞腸痧屬胃氣虛。猝中天  
地邪惡穢污之氣。鬱于胸腹間。上不吐。下不瀉。以致腸胃絞痛  
異常。胸腹驟脹。遍體紫黑。頭頂心必有紅髮。急尋出拔去之。急  
以三稜鏡針刺委中。擠出熱血。可立蘇。次用新汲涼水入鹽兩  
許。恣飲得吐瀉卽止。委中穴在兩膝下灣橫紋中間兩筋之中。

刺入一分。王養吾曰。痛而絞動者。痧毒阻于食積之氣分也。痛而不移者。痧毒壅于血分而有瘀也。發于頭面上部者。痧之毒氣上壅也。纏于手足下部者。痧之毒血下注也。上吐下瀉者。痧氣上下冲激也。煩悶氣脹者。痧氣壅塞于心膈也。惡寒發熱者。痧氣遏抑于肌表也。胸膈偏痛者。痧之毒血流滯于經絡也。結滯腸胃者。食積瘀血爲腫爲脹也。吐血便血者。痧血泛溢而潰敗也。咳嗽喘急者。痧毒壅于氣分而生痰逆也。立時悶死者。痧之毒血攻心也。手足軟而不能運者。痧入于血分。毒注下部也。腰脇俱痛者。毒阻于血分而有瘀也。半身偏痛者。毒阻于半身而血瘀也。身重不能轉側者。痧之毒血壅瘀不能轉運也。髮成癰毒潰爛者。毒血凝滯敗壞肌表也。以上宜分表裡又曰。痧症之發。未有起于寒者。然亦有時爲寒。非真寒也。蓋因世人知痧之熱。

而服大寒之劑以致此。夫犯痧症。必其無食積血阻于中者。方可服寒飲而得效。若一有食積血阻而飲大寒。則食不消。血不散。積不行。痧毒反水伏凝阻。未有得寧者。嘗見高岩窮谷中行。放。感受暑氣。渴飲澗水而卽死者。是名寒痧。蓋緣痧毒攻心。服寒飲太過。痧毒反凝結于心胸。多致不救也。若爲放痧。毒血一行。便無阻滯。得有其命。故方書有服陰陽水者。不獨取井水。以此故耳。是以久服涼飲之後。痧有未痊者。又當以微溫之藥施之。畧用三香溫和之劑。誠爲權宜之術。若用桂附乾姜吳萸參芪之屬。則又誤矣。又曰。治痧當辨身涼身熱。身涼而內熱者。宜攻其裡。表熱者。宜透其肌。用藥隨時活變。故不立主方。以上言宜分涼熱。又曰。痧症危極。昏迷不醒。卽扶不起。呼不應。雖欲刮放。而不得。卽當用藥救之。以期必效。然痧症用藥。必須帶冷。雖未能卽

周于肌膚血肉間。其昏迷不省。乃痧之熱毒冲于心胸。心即不能自主而昏迷。若藥帶冷入口。先從胸膈間順流而下。則熱毒之氣在心膈間者。隨藥而消。故昏者復明。迷者復省。即有不省者。乃食痰血積所阻。若能攻而下之。未有不省者矣。以上用藥法又曰。痧脹有一等凶症。心胸高起如饅頭者。不治。雖曾以升象方治活一婦人。胸前高突如拳大。堅如鐵石者。亦偶也。背心一點痛者。凶。角弓反張者死。腰腎一片痛者死。心胸左右有一點痛者。不治。脇肋痛。四肢腫痛者難治。鼻如烟煤者死。舌卷卵縮者死。環口鰓黑者死。頭汗如珠。喘而不休者死。昏迷不省。放痧不出。服藥不應者死。痧塊大痛。服藥不應者死。此皆寔熱為害。固然耳。以上難治症又曰。仲景傷寒論中。不及瘟疫。何況後世所云痧脹乎。夫傷寒原為傳經熱症。蓋因六氣陰陽同異不齊。風熱火

統乎陽。寒燥濕統乎陰。大抵六氣由表及裡。故云外感。乃肝脾  
胃腎與膀胱傳變皆週。而病自解矣。至于痧。有由內而出者。有  
自外而入者。有無端而起者。或發于臟。何臟受之。或發于腑。何  
腑受之。或犯兼症。或犯變症。但止于一經而不傳。原不拘拘經  
之手足也。故內受邪。則爲絞刺。爲脹急。爲悶亂。外顯于症。則爲  
癰疹。爲斑黃。爲吐瀉。誠中形外。自然之理耳。又曰。河間云。諸熱  
督癰。暴瘖。冒昧躁擾。狂越詈罵。驚駭。肘腫疼痠。氣逆冲上。噤慄  
如喪神守。噎嘔瘡瘍。喉痺耳鳴。及龔。嘔湧溢食不下。目眩不明。  
暴注卒瀉。潤癰暴病暴死。皆屬于火。已上諸症。今時痧脹。十居  
八九。至如暴病暴死。河間但指中風痰厥。由今觀之。暴病暴死  
者。于痧脹最爲酷肖。想古時不立痧脹之名。未經說破。故耳。則  
知痧之屬火。明甚。然火有君相之別。手少陰經君火也。右腎命

門爲手心主。乃手厥陰包絡之臟。經言心之原出于太陵。凡刺太陵穴者。所以瀉手心主相火之原耳。又有手少陽三焦合爲表裏。神脉同出。現于右尺一經。代君行令。故相火之爲病居多。皆因火性最烈。其氣上炎。以致三焦阻塞。六脉全乖。昏冒口不能言。痰喘聲如曳鋸。然相火作病。猶有可回。若犯少陰心君。確具死症。則殞在須臾。莫謂醫工藝術之疎耳。又曰。事必師古。何況于醫。丹溪治雜病。以氣血痰三者爲先。蓋三者成疾。人身最多。能詳審于三法之間。便可指下奏功。至于痧脹。又何能離此三者乎。痧有氣塞者。爲喘息。爲脹滿。爲嘔噦。爲頭目脹。其痛陣緊。脉必洪數。屬陽。有氣閉者。爲昏冒不語。爲口噤目翻。不省人事。上下厥冷。雖痛口不能言。脉必沉伏。屬陰。痧有血熱者。爲煩躁。爲紫斑。爲頭目赤。爲衄。爲口吐紅沫。脉必寔大。屬陽。有血阻。

者腰脇痛。攻心痛。手足青紫。脉必緊而牢。乍大乍小。屬陰。痧有痰壅者。喉中漉漉有聲。吐咯不出。嘔吐酸水清涎。脉必弦滑。屬陽。有痰厥者。卒倒僵仆。手足厥冷。肌膚芒刺。遍身青筋。坐卧不能轉側。脉必微細。似有似無。屬陰。凡氣血痰之爲害于痧。有如此者。不得謂陽痧則生。陰痧則死也。即使陰痧。又不比傷寒直中陰經症。可用姜桂參芪也。痧脹有脉伏三日。亦得救活者。四肢厥冷。刺血投劑後。卽時溫煖者。目閉牙噤。刺血投劑後。卽時睜眼認人。而言其所苦者。醫工能識其竅。則危者立安。失其機。雖得生全者。亦死矣。可不深爲寃心。以救人生命乎。以上案集諸家各論

又曰。凡犯痧症。仰卧。將大公鷄一隻。放肚上。鷄卽伏好。疼止。卽跳下而愈。此法試過亦驗。又法。凡痧症屬肝經者多。肝附于背。第七骨節間。若犯痧。先循其七節骨縫中。將大指甲重插入。候

內骨節响方止以搥塗之如不响必將鹽重擦必使透入方能

止疼以上腹痛治法又曰治霍亂腹痛之甚以新汲水百沸湯各半合

飲之甚效蓋上焦主納中焦腐化下焦主出三焦通利陰陽調

和升降周流則臟腑暢遂一失其道二氣滯亂濁陰不降清陽

不升故發為嘔吐霍亂之病飲此湯即定者分理陰陽使得其

平也此即無病凡夏月早起或卧間用一盞亦能清暑調中消

食以上論陰陽湯之利益凡痧症飲湯藥云稍冷者九分冷一分温也云

微冷者八分冷二分温也云微温者冷者四分之三温者四分

之一也云冷服者十分生冷也云温者四五分温也以上湯藥規則又

曰痛時則不欲飲食痛後亦有不喜食者有食而作脹復痛者

或疑傷寒而餓壞者其間飲食最要斟酌宜忌不可不審也夫

發痧忌熱湯熱酒粥湯米食諸物若飲熱湯酒輕必變重重必

內傷外感 痧脹

卷三十一 三七

至危。吃米物恐結成痧塊。日久變生他疾。難于救治。如有食消不殞命者。亦幸耳。故痧病畧鬆胸中知餓。設或驟進飲食。卽復痧脹。立能變重。必忍耐一二日。乃可萬全。更見禪僧痧脹愈後。再不復發。以無暈腥故也。今後凡遇痧病得愈者。當知所戒。卽無屢發之患。如傷寒不飲食至一候兩三候不妨者。以邪氣填胃口也。痧脹十日五日不飲食亦不妨者。以痧氣滿塞胸膈也。惟俟痧氣盡。然後與之。生姜。痧症大忌。切不可泡湯服。或作藥引。犯之必死。今將宜忌食物開列。醫家病家。各遵毋忽。食忌生。姜。棗。圓。眼。川。椒。胡。椒。辣。醬。烟。茶。酒。滾。湯。索。粉。醋。麵。麵。筋。猪。肉。羊。肉。鷄。魚。葱。蒜。芥。菜。瓜。茄。菱。糯。米。食。糖。食。桃。梅。李。杏。一。切。甜。物。食。宜。黑。沙。糖。芋。苳。食。鹽。葶。薺。百。合。藕。西。瓜。燈。心。湯。山。查。湯。菜。蕪。子。湯。蘆。根。湯。陳。香。榘。湯。陰。陽。水。然。卽。所。宜。亦。必。待。痛。止。後。知。餓。方。

可吃清水飯湯。如米粥米糊亦宜少用。且須冷吃。不然則復發。

以上食物忌宜。

治痧脹忌宜諸藥

忌藥切勿犯人參 白朮 山藥 黃芪 熟地 白芍  
甘草 茯苓 猪苓 半夏 白芷 蒼朮  
升麻 肉桂 附子 吳萸 乾姜 生薑  
五味 木瓜 竹瀝 杜仲 枳子 故芫  
茯神 棗仁 苳蓉 巴戟 栝子仁

凡治吐症用半夏藿香獨痧症作吐半夏性燥  
須防益助火邪切不可用藿香惟取其正氣以  
治穢濁倘腸胃中有食積瘀血阻滯痧毒驟用  
此以止吐反有閉門逐盜之憂矣

宜藥須酌用 陳皮 枳殼 荆芥 柴胡 葛根 薄荷  
青皮 枳實 防風 前胡 厚朴 紫蘇  
細辛 獨活 桔梗 香附 鬱金 木香  
砂仁 烏藥 連翹 秦艽 梔子 貝母  
天冬 杏仁 桑皮 赤芍 香橈 丹參  
山查 紅花 蘇木 桃仁 三稜 莪朮  
麥芽 神曲 麥冬 牛膝 地丁 澤蘭  
蘆子 茜草 銀花 香茹 甘菊

內傷外感 痧脹方 卷五十一

青黛 乳香 阿魏 胆星 雄黃 天竺黃  
 蚕沙 沒藥 角刺 牛黃 麝香 明礬  
 石膏 龜甲 姜蚕 童便 梅花 板藍根  
 小青草 卽血見愁 紅蓼子 紫荊皮 火麻  
 仁 劉寄奴 益母草 地骨皮 穿山甲  
 白芥子 元胡索 五靈脂  
 痧症寒熱不由外感其毒從鼻吸而入搏擊肌  
 表羌活麻黃俱在所禁如荆芥細辛善能透竅  
 蓋惡毒之氣由竅而入故用以治痧亦由竅而  
 洩若防風乃臣使之品取爲透竅之佐不比麻  
 黃羌活專主發表反有升發火毒之慮也

忌宜相半藥

羌活 藿香 檀香 當歸 黃連 元參  
 川芎 沉香 丁香 生地 黃芩 花粉  
 木通 大黃  
 凡忌宜相半之藥如必不得已而欲用之輕者  
 止可用半分至三分重者亦只可四五分至錢  
 許

治癰脹方六十四

一號乾象方

防風 細辛 陳皮 枳壳 旋覆花 荆芥  
 穗 等分水煎稍冷服  
 頭面腫加薄荷甘菊 口渴加天花粉  
 手足腫加威靈仙牛膝金銀花



四號否象方

藿香 香附各四分 薄荷葉七分 枳殼  
連喬 山查 元胡索各一錢 水煎冷服  
此方治陰痧之劑腹痛而手足冷者是也  
歌曰 否象陰痧手足水腹疼穢氣觸而成延  
胡壳木查香附砂薤連喬薄荷增 此首歌內  
有加味

五號觀象方

防風 荆芥各一錢 川芎三分 連喬 陳  
皮 青皮各八分 水煎稍冷服  
食不消加山查 帳子 有積加枳殼  
心煩熱去川芎加山梔子  
痰多加貝母白芥子 氣壅加烏藥香附  
血壅加桃仁紅花 鬱悶不舒加細辛  
食積加三稜莪朮 暑熱加香薷厚朴  
大便秘加大黃枳實 小便秘加木通澤瀉  
喉痛加薄荷射干牛蒡子去川芎  
咳嗽加桑皮馬兜鈴  
此方治陽痧之劑腹痛而手足暖者是也  
歌曰 觀象陽痧手足溫多因氣鬱痛相尋荆  
防陳細枳喬薤煥熱梔香藤子青

六號剝象方

地骨皮 薄荷 山梔 丹皮 天花粉 元  
參 細辛 等分水煎稍冷服  
此方治退痧熱之劑  
歌曰 斑痧剝象是良方嘔吐頭眩發紫斑地

骨梳元花粉細丹皮薄荷便身涼

七號晉象方

元胡索 蘇木 五靈脂 天仙子各一兩  
莪木 廣皮 三稜 枳寔 厚朴 檳榔

姜黃各七錢 烏藥五錢 降香 沉香各三錢  
阿魏二錢 香附四錢 服子一兩

水泛丸每十五丸砂仁湯下

此方端治食積壅阻痧毒癩痛難忍頭面黑色  
手足俱腫胸腹脹悶等症

歌曰 烏痧惡症痛難當 晉象丸方果是強 蘇

木延胡陳附朴落枝阿魏蕪檳榔靈脂烏藥天  
仙子枳寔姜黃沉香水泛為丸如菘豆砂仁  
湯送月圓獲 月圓獲者每服十五丸也

八號大有方

泥香 檳榔各五錢 藟子 枳寔 厚朴各  
七錢 山稜 蓬朮 天仙子 廣皮各六錢

錢 薏仁 烏藥各四錢 木香三錢 姜黃五  
錢 水泛丸每三十九丸砂仁湯稍冷服

此方端治痧氣急胸腹脹痛迷悶昏沉  
歌曰 暈砂大有救 昏迷厚朴天 仙荷廣皮白

前 薏姜黃枳橘蓬稜烏藥木香齊 丸服法同

九號坎象方

五靈脂 廣皮各一兩 青皮 天仙子 三  
稜 蓬朮 姜黃各七分 枳寔六錢 蕪仁

內傷外感 痧脹方

卷十一 三十一

烏藥各五錢 製法服法同八號 沉香各二錢 阿膠一

此方端治痧症氣壅血阻昏迷不省偏身沉重

不能轉側 歌曰坎象同前氣阻壅青陳烏藥寔稜蓬仙

### 十號節象方

靈白蕊兼阿魏更有姜黃沉木功 鬱金二錢 細辛一兩 降香三錢 荆芥五

錢 每末三匙清茶稍冷服 此方通治痧症之仙劑

歌曰絞腸痧痛病非常節象仙方效最良 俱降香荆芥穗三匙細末和茶漿 以下七方

### 十號屯象方

三稜 蓬朮 白芥子 延胡索 茴子各一

錢 枳殼 青皮 烏藥各八分 紅花七分 香附四分 水煎稍冷服

此方端治痧氣內攻之劑 歌曰屯象祛痧氣內攻蓬稜白芥枳延紅葡

### 二十號既濟方

青烏藥同香附任是盤腸一劑通 降香五錢 牛膝二兩 大紅鳳仙花 紅桃

花 紅花各七錢 白茯苓一兩 為末砂糖 調童便冲服

此方端治痧毒中腎之劑 歌曰既濟方除中腎痧降牛桃蒺鳳仙花紅

花共末同調和童便冲來效可誇

三號草象方

鬱金 沉香 木香 各一錢 烏藥 三錢 枳實 二錢 細辛 五錢 每末三錢 冷水服  
此方治痧氣寒凝之劑  
歌曰 痧氣寒凝草象方 鬱沉烏枳木辛將共  
來為末三錢服 定使陰寒見太陽

四號豐象方

三稜 蓬朮 薔子 青皮 烏藥 枳殼  
枳實 各一錢 水煎服  
此方治痧症因于食積者  
歌曰 豐象多緣食積因 青烏薔寔與蓬稜查  
枳神曲能消食 水二煎成取八分

五號明夷方

細辛 大黃 枳寔 厚朴 桃仁 青皮  
火麻仁 等分水泛丸 每服一錢 重者二錢 再  
重者三錢 燈心湯稍冷下  
此方治痧症大便乾結 氣血不通 煩悶 羸盛  
昏沉者  
歌曰 明夷乾結便難通 煩悶昏沉氣血壅  
寔將軍辛厚朴 二仁水滴滯消融 此首歌內  
無青皮有瓜蒌

六號師象方

三稜 蓬朮 厚朴 山查 枳寔 薔子  
連翹 青皮 陳皮 細辛 等分水煎冷服  
此方治痧症氣食壅盛者  
歌曰 師象連前有七方 絞腸痧內療多般青  
易小 痧長片

陳查朴蓬稜寔葡萄子連喬與細看

七十號良象方

五靈脂 蕪子 山查 神曲 青皮各一兩  
蓬木 厚朴各八錢 三稜 檳榔各七錢  
蔻仁 烏藥 姜黃各五錢 沉香 木香各  
三錢 阿魏二錢 丁香一錢 水泛丸每一  
錢 紫荆皮湯下

此方專治痧症食積成塊痛而不已推上移下  
日久叫喊筋脈抽掣之症

八十號賁象方

歌曰 良象抽筋手足疼青筋脹起筋粗痕三  
香查荷神靈蔻烏藥蓬稜朴寔青阿魏姜黃檳  
榔塊丸吞十粒紫荆皮 三香沉木丁也  
木香 檀香 沉香 等分爲末每服五分砂  
仁湯微冷下  
此方專治過飲冷水痧不愈者  
歌曰 賁象皆由飲冷過三香末服暗痧多皆  
因暑熱寒冰受凝結于中毒阻何

九十號大畜方

白茯苓 二兩 澤蘭 姜黃 葡萄子 山查  
茜草 土貝母各一兩 元胡索 五靈脂各  
兩五錢 檳榔七錢 金銀花八錢 烏藥  
青皮各六錢 桃仁一兩二錢 每末一錢温  
酒下  
此方專治食積瘀血痧毒凝滯成塊日久不愈

之症

歌曰大畜能稍積食於毒疑成塊久難除澤蘭白  
茯苓黃蘗茜草青板烏藥俱查肉銀花土貝母

桃仁胡索五靈脂

十二號損象方

沒藥三錢 細辛四錢 白茯苓 元胡索  
桃仁各一兩 枳殼三錢 每末一錢酒下

此方端治血鬱不散之症 暗痧難識為病亦  
多故立責損大畜三方

歌曰損象血鬱不能散細辛沒藥桃仁枳延

胡白茯苓酒水調已上三方痧屬暗 又歌曰落

弓痧脹最難醫痰喘昏迷不醒時睽履中孚分

二十一號睽象方

枳殼八分 蘇子各一兩 鬱金二錢 烏藥 連  
喬各八分 共為末茶清稍冷下

此方端治痧氣鬱悶之劑 喬烏服寔鬱金施丹

歌曰睽象方原開鬱悶喬烏服寔鬱金施丹

參查肉 銀花佐共末茶清冷服之 此首歌內

二十二號履象方

刺蒺藜 獨活 桃仁 蒲黃 紅花 元胡  
索 烏藥各一錢 枳殼七分 香附三分

水煎微溫服之 此方端治痧症因于血鬱者

歌曰履象端攻血鬱症桃仁獨活壳蒲黃延

胡白茯苓 香附牛膝童尿貝母強

內傷外感 痧脹方

卷三十三

二十號 中孚方 紅花 青皮 蒲黃 各一錢 香附 四分 枳

壳六分 貝母二分 水煎溫服 此方端治血痰之症 歌曰 中孚專治血痰病 貝附青紅枳壳蒲已 上落弓宜選用昏沉發暈一時蘇

二十號 漸象方 陳皮 青皮 山查 厚朴 烏藥 等分水 煎冷服

痰多加貝母 白芥子 口渴加薄荷 花粉 血瘀加香附 桃仁 延胡索 痧筋不現加細辛 荆芥

此方端治痧症 因氣阻者 歌曰 痰潮噤口 語無聲氣阻 咽喉閉塞成漸 象青陳查紫朴 延胡香附 可回生 又歌曰 痰

涎望盛撲鷺痧 莫認鷺藥用 差震豫解方來 救治外吹內服 妙堪誇

二十號 震象方 天竺黃 礞砂 各二錢 硃砂 一分 元明粉 八厘 冰片 五厘 共為 細末 吹喉中

此方端治痧症 咽喉腫痛 謂曰 震象咽喉腫痛 頻硃礞水片竺元明細 研吹入喉中 好拽鏹之聲 一旦寧 痧脹之害 甚于喉風

二十號豫象方

劉寄奴 荆芥 紅花 茜草 丹皮 赤芍  
各一錢 烏藥 五錢 香附 三分 茯苓 八分

水煎溫服

此方端治血滯之症

歌曰 豫象方醫血滯凝寄奴茜草茯苓荆紅

花赤芍丹皮共香附還同烏藥并

牛蒡子 蘇梗 薄荷 甘菊 貝母 金銀

二十號解象方

花 連喬 枳殼 各一錢 桔梗 五分 烏藥

四分 水煎微溫加童便服

此方端治痧症咽喉腫痛

歌曰 解象方咽喉腫痛焦牛蒡枳殼桔連喬菊

花蘇梗金銀貝烏藥須添腫即消

大腹皮黑豆湯泡洗 廣皮 細辛 葶子

二十號恒象方

煎藥稍冷服 山查 二兩 先煎湯代水

此方端治痧氣食結胸中飽悶腹中絞痛

歌曰 恒象方中大腹前細

麥藤陳先六味山查濃汁更須煎

蘇木 二兩 刺蒺藜 元胡索 桃仁 紅花

各一兩 獨活 三錢 揮香 姜黃 赤芍 各

二十號升象方

六錢 五靈脂 七錢 大黃 五錢 香附 烏

藥 三稜 蓬朮 陳皮 青皮 角刺 各四

錢 每末二錢酒下 陳皮 青皮 角刺 各四

此方端治痧毒血瘀成塊堅硬突起不移者

內傷外感

痧脹方

十三號井象方

歌曰 滿痧跌倒最稀奇 緊閉牙關事不知 升  
象血瘀堅突塊 延蘇獨活梓靈脂 桃紅赤芍二  
黃附烏藥青皮 皮角刺宜更有三 稜蓬木等共研  
細末酒相資 二黃姜黃大黃也  
蓬末 紅花 澤蘭 桃仁 烏藥 栝樓  
川芎 牛膝 水煎溫服  
此方 治紫疱痧之劑  
歌曰 紫疱成痧怪異多 若求井象免沉痾 澤  
蘭芎 栝 桃 烏藥 牛膝 紅花 木用莪

三十號大過方

香附 荊子 檳榔 山查 陳皮 薄荷  
連喬各等分 木香磨二分 水煎加砂仁末  
五分 冲和稍冷服之  
此方 治痧症食積氣阻之劑  
歌曰 大過方醫痧結傷皆因 氣食痛難當 檳  
陳查 煎砂香附 薄荷連喬與木香

三十號隨象方

赤芍 陳皮 桃仁 枳寔 茵陳 黃芩  
瓜 薑仁 金銀花 山梔 連喬各一錢 大  
黃三錢 水煎微溫服  
此方 治痧症毒結于大腸之劑  
歌曰 銅痧遍體似姜黃 隨象除痧結大腸青  
赤芍 喬桃 枳寔 姜茵 梔子 大黃 茵

三十號強象方

木香 沉香 五靈脂 六錢 砂仁 葛干 各八錢  
檀香 三錢 五靈脂 六錢 砂仁 葛干 各八錢

白湯下

此方端治過服冷水痞滿者

歌曰：瘕塊成形痞悶多，單求吳象莫能過。三香

三十號 小畜方

香附 砂仁 共再人靈 胎痛 桂 三香 沉木 檀  
山查 赤芍 青皮 桃仁 大黃 貝母  
微溫服

此方端治痧症因于血寔者

歌曰：小畜同前因血寔，桃紅貝附青查赤靈  
脂遂共大黃煎氣滯血凝全沒得

三十號 家人方

歸尾 枳壳 赤芍 各一錢 山查 煎子各  
二錢 厚朴 八分 水煎 微冷服

此方端能消食順氣和血

調口 身重 消痰 解毒 先家人氣 順食 消兼 朴  
查 荷 壳 同 歸 尾 赤 芍 相 和 用 水 煎

三十號 益象方

蘇木 桃仁 紅花 各一錢 青皮 八分 烏  
藥 四分 獨活 六分 劉寄奴 一錢 白蒺藜

錢二分 水煎 微溫服

此方端治血結不散之劑  
歌曰：益象同前因血結，桃仁蘇木并紅花。寄  
奴 白 蒺 藜 青 烏 獨 轉 側 如 常 不 用 嗟

三十號 元安方

藤子 二錢 板 枳 防 風 山 查 烏 藥 連 喬 赤 芍 金  
銀 花 各 一 錢

內傷外感

痧脹

卷五

七

壳 桔梗各七分 水煎稍冷服  
歌曰 無妄兼寒食血成防延桔壳 蕪查 樞香  
烏赤芍 銀花共 沉暑冲心 痧發昏

三十號 噬嗑方

桃仁 蘇才 烏藥 香附 白茯苓末 獨  
活 澤蘭 山查 水煎微冷服  
此方 端治痧症類傷寒  
歌曰 噬嗑頭疼發熱攻類傷寒症最為凶桃  
蘇烏附 澤蘭 荻傷活山查可奏功

三十號 頤象方

柴胡 蕪子 山查 連喬 紅花 枳寔  
荆芥 花榜 熟大黃二錢 水煎冷服  
此方 端治先因傷食發熱口乾等症  
詞曰 頤象方因傷食先口乾身熱症同前柴  
喬查 蕪紅荆粉 枳寔將軍酒製煎

四十號 蠱象方

射干 馬兜鈴 桑皮 桔梗 薄荷 天花  
粉 元參 貝母 枳壳 金銀花 甘菊  
等分 水煎溫服 嗽甚加童便冲服  
此方 端治痧似傷風咳嗽  
歌曰 蠱象傷風咳嗽痧兜鈴桑桔貝銀花射  
干壳粉同甘菊薄荷元參童便加

四十號 離象方

青皮 厚朴 枳壳 柴胡 貝母 知母  
藿香 樞榔 陳皮 葛根 水煎溫服

此方端治 痧症 痰氣 壅盛  
歌曰 離象之 痧 瘧疾 兼熱 寒迷 悶壅 痰涎 葛  
柴知壳 青陳 朴 枳 藿 藜 祛 除 夏 月 天

四十號 旅象方

貝母二錢 姜黃一錢 細辛 紅花各八分  
青皮 厚朴各七分 荆芥六分 烏藥五

分 水煎冲砂仁末五分 微冷服

此方端治 痰氣 壅塞 之 痧  
歌曰 旅象 真頭 痛有 方 橘 紅 朴 細 貝 姜 黃 青

四十號 鼎象方

牛膝二錢 獨活 枳壳 桃仁 連喬 澤  
瀉 赤芍 山查 姜黃 蒲黃各一錢 水

煎 微冷服  
此方端治 痧毒 引火 下行  
歌曰 鼎象 同前 於 毒 除 為 因 引 火 下 行 時 喬

牛獨枳 查 桃 澤 赤 芍 姜 蒲 次 弟 施

四十號 未濟方

牛膝二錢 金銀花 丹皮 連喬 細辛  
延胡索 澤蘭 白芩 蒲黃 木通各一錢

水煎冲童便 微溫服  
此方端治 小腸 經 痧

歌曰 小腹痛 痧 伸屈 難 方 推 未 濟 澤 蒲 黃 通

延牛膝 銀花 細白 芩 連 喬 并 用 丹

四十號 象象方

天竺黃 胆星 各三分 雄黃 珠砂 各五分  
麝香 牛膝 各三分 甘草 湯 泛 九 梧 子 大

每服三九白湯下

此方端治痰涎喘急之症

歌曰 蒙象痰涎喘急聲殊雄天竺胆南星麝

香研末牛黃共甘草湯丸拔盡根

旋覆花 丹參 姜黃 橘紅 元胡索 穿

山甲 赤芍 澤蘭 山查 角刺

此方端治半身不遂痰

歌曰 半身不遂毒來攻換象丹延澤橘紅角

刺穿山查赤芍姜黃旋覆氣平胸

四十號 換象方

四十號 訟象方

澤蘭 延胡索 赤芍 桃仁 陳皮 紅花

烏藥 獨活 丹參 水煎溫服

此方端治內傷兼痰

謂曰 訟象兼屬痧內傷丹烏延赤澤烏陳

桃獨活銀花取不畏煩勞咳嗽痰 此首謂內

加金銀花

歸身 山查 紅花 枳壳 赤芍 川斷

青皮 茜草 丹參 連翹 微溫服

此方養血和中之劑

歌曰 同人吐衄便紅增養血和中此劑平查

壳赤紅喬茜草歸青續與共丹參

四十號 同人方

四十號 坤象方

白茯苓 荆芥炭 赤芍 薄荷葉 青皮

陳皮 等分水煎微冷服

此方端尚癩症氣血阻塞  
歌曰 坤象同前血阻明肝心肺部患非輕疾  
蒸赤芍 薄荷葉 荆芥 青皮 又用陳

十五號復象方

連喬 山梔 茜草 枳壳 丹皮 赤芍  
牛膝 金石斛 金銀花 草决明 水煎冲  
童便服

一十五號臨象方

此方端治眼目怪症癩  
歌曰 眼目奇癩復象方 梔喬茜草决明當銀  
花石斛 丹牛壳 赤芍 還加 童便良  
羚羊角 生地 黃連 木通 荆芥 穀精  
草 赤芍 生甘草 甘菊 大黃 木賊草  
羌活 望月沙 水煎服

五十二號泰象方

此方端治癩毒在肝目生障翳  
歌曰 臨象同前用二生連通 蕪賊芍羌荆羚  
羊望月 穀精草 一着將軍 眼倍明  
人中白 二錢 花粉 珊瑚砂 青黛 各一錢  
生甘草 兒茶 薄荷葉 細茶葉 黃連 各  
五分 冰片 一分 牛黃 珠子 各五厘 研  
至無聲 先用濃茶洗去腐肉 吹之  
此方端治癩後牙疳  
歌曰 癩後牙疳泰象神 兒茶花 粉黛 官 硼 牛  
黃 珠子 人中白 薄荷 黃連 一片 冰

內傷外感

癩症方

卷五

五十三號大吐方

桃仁 紅花 山查 獨活 細辛 香附  
青皮 水煎冲童便服  
此方端能行經散瘀

此方端能行經散瘀  
婦人科腹脹雙紅可奈何獨

細青紅香附米查桃冬用便相和 雙紅謂經

五十四號夫象方

桑寄生 紅花 香附 荆芥 蘇子 益母  
草 細辛 神曲 水煎冲砂仁末服

此方端治胎前痧症  
歌曰 夫象胎前痧所侵寄生益母附紅荆細

辛 藟子 兼神曲冲服砂仁藥更靈

五十五號需象方

獨活 細辛 丹參 柴胡 牛膝 烏藥  
山查 陳皮 金銀花 益母草 金石斛  
水煎温服

此方端治產後痧症  
歌曰 絞痛非常產後虛消瘵需象獨陳皮柴

丹益母辛牛膝石斛查烏即便除

五十六號比象方

香附 艾葉 柴胡 獨活 山查 丹參  
牛膝 艾葉 柴胡 獨活 山查 丹參  
草 水煎稍温服

此方端治產後痧症  
歌曰 比前同前蘇木姜查桃益母艾柴香銀

花牛膝丹參獨縱有諸邪亦不妨 姜姜黃也

五十號兌象方

荆芥 防風 連喬 紅花 青皮 菊子  
桔梗 枳殼 山查 牛蒡子

此方端治小兒痘前疹症  
歌曰 痘前疹脹用心專  
兌象荆防桔梗看青  
壳牛蒡查藤子紅喬共劑自安痊

五十號困象方

羌活 紅花 荆芥 木通 當歸 牛膝  
青皮 連喬 蟬退 牛蒡子

此方端治疫後熱毒流連不已致成瘡瘍  
詞曰 困象瘡瘍熱毒攻羌防歸膝芥喬通青  
皮蟬退紅花合腫痛兼痧一旦空

五十號萃象方

甘菊 荆芥 紅花 甘草 木通 連喬  
土貝母 金銀花 牛蒡子 紫花地丁 等

分胡桃肉一枚 水煎溫服  
此方端治疫後餘毒發為癰瘍紅腫綠痧毒留  
滯肌內骨膜間者

謂曰 萃象同前毒發紅金銀土貝菊喬通荆  
防甘草地丁紫引用胡桃肉一宗

六十號咸象方

人參 當歸 黃芪 甘草 牛膝 紅花  
貝母 角刺 白芷 山查 金銀花 加胡

桃肉一個 水煎空心溫服  
此方端治疫後餘毒流連氣血不能即潰者

六十號 寒象方

謂曰 威象變成惡毒症參芪歸貝草銀紅山  
查角刺 胡桃 芷莫使流連氣血攻  
乳香 沒藥 貝母 雄黃 花粉 黃連各  
一錢 大黃半炒半晒 赤芍各二錢 牛蒡  
子錢二分 甘草七分 穿山甲土炒七分  
每細末五分 蜜湯下  
此方端治痧後熱毒發癰發疔疼痛不已  
歌曰 寒象癰疔不可當川連乳沒貝雄黃將  
軍赤芍穿山甲細末還調是蜜湯

六十號 謙象方

八參 茯苓 當歸 白朮 白芍 黃芪  
陳皮 川芎 熟地 甘草 空心服  
此方痧後調理之劑  
歌曰 痧退調和謙象稱芍歸熟地芍參苓陳  
皮芪朮生甘草煎服空心氣血平

六十號 小過方

金銀花 土貝母 牛蒡子 白扁豆子 山  
藥 山查 當歸各一錢 人參四分 甘草  
三分 胡桃肉一枚 蓮肉六枚 水煎空心  
溫服  
此方痧退後調理之劑  
歌曰 小過同前調理清銀花土貝草歸參蒡  
查扁豆兼山藥蓮肉胡桃引用明

六十號歸妹方

炒鹽 枯礬 各一兩  
乾姜 三錢 飯丸 每服一錢  
白湯 溫服 新  
犯痧者一二服即愈  
久犯痧者十服全愈  
蓋用甘草以助胃用姜烏以充胃用枯礬以解毒用食鹽以斷痧五味之妙用誠為千古之良方若病人素本虛寒必加倍多服方能有效此方端治屢患痧症必待全愈然後服之以絕其根若痧氣未除切不可服恐甘者能作脹熱者反能助邪也  
歌曰 歸妹常沾要絕根待他全愈斷痧靈礬鹽烏草乾姜共米飯為丸湯送溫

治痧脹應用古方十七

玉樞丹

山茨菇去皮焙二兩此味不真則藥不效  
倍子洗淨焙三兩 千金子霜一兩 紅芽大戟去蘆焙乾一兩半 麝香另研和入三錢  
右除干金麝香另研三味為末和入二錢研勻糯米濃湯和木杵內杵干下分為四十錢宜端五七夕重九日于淨室焚香修合勿令女人孝子鷄犬見其效如神 孕婦忌服每用一錠生薑汁磨薄荷湯服并華水磨亦可通利兩次無妨用溫粥補之  
此方所治諸病開列于後

內傷外感

痧脹方

卷五

七

治瘡疽發背未破時用并華水磨塗患處并磨服之良久覺痒即消

治陰陽二毒傷寒心悶狂言亂語胸膈壅滯邪毒未發并瘟疫山嵐瘴氣纏喉風并痧脹

腹疼冷水入薄荷一葉同磨下  
治急中風癱邪喝叫亂走鬼胎鬼氣無灰酒

送下  
治自縊死落水死心頭溫者及驚死鬼迷未隔宿者並冷水磨灌下

治蛇犬蜈蚣傷冷水磨塗傷處并服尤妙  
治新久諸瘡臨發搗柳枝煎

治牙痛含藥少許吞下  
治湯火傷凍流水磨塗患處

治撲跌損傷炒松節無灰酒煎數沸下  
治年深日近頭疼太陽痛酒磨塗帛上貼太陽穴

治諸般癩疾口喎斜唇眼掣及夜睡多涎言語蹇澀卒中風口噤牙關緊急筋脉攣縮骨節風腫手足疼痛行立俱覺艱辛風氣疼痛並用酒磨服

一治小兒急慢驚風五疳二痢蜜水薄荷葉同磨服牙關急緊磨塗并服

普濟消毒飲  
酒  
黃連 酒黃芩 各五錢 去白陳皮 生甘草  
元參 各二錢 牛蒡子 三錢 連翹 板

牛黃八寶丹

仙方腦麝丸

藍根各二錢 馬勃一錢 炒姜蚕 升麻  
柴胡各七分 桔梗三分 薄荷五分 大葉  
三錢 防風各八分 共為細末 半用

湯調時服之 牛用蜜丸 含化 服盡良愈  
雄黃 元參 瓦上焙各五錢 炒貝母 羌活 土炒  
川連 羚羊角 犀角 炒珠四分 乳香 沒

藥各三錢 青黛二錢 珍珠四分 硃砂五  
錢 牛黃 冰片各二錢 共研細末 再將

金銀花 紫花地丁 甘菊各二兩 甘草五  
錢 長流水 五碗 砂鍋內慢火煎至半 取汁渣

絞乾 桑柴火熬膏 入煉蜜 蓋許再熬 粘筋和丸  
每丸重二分 勿者一丸 大人二丸 蜜湯服

此方治痧症 發斑發狂 渾身赤紫 痧後惡毒  
瘡瘍 皆能消化

黃藥子 白藥子 各三錢 花粉二兩 黃連  
一兩 研末 篩止 用頭末 木香三錢 沉香二

錢 麝香五分 龍腦三分 猪胆汁九 每九  
重一分

此方治山嵐瘴癘 解茶痰 酒渴 除伏暑 退心  
熱 止喉疼 開目 霧及赤白痢 一切火症 功效如

神 并將兼治之症 開列于後 一切火症 功效如  
一治瘴氣 痰渴 老年痰火 臨卧 含化 三九

一三伏時 行路 含一丸 口不渴 且消暑 氣如感  
大熱 用五丸 或七丸 同好茶 一撮 監梅 一個

內傷外感 痧脹方



服一錢

此方可補痧脹所不逮 兼治當心痛遍身骨節牽疼或嘔吐惡心不時發作者并疝氣勞根

### 失笑散

五靈脂去砂土炒 炒蒲黃 等分每末一二錢溫酒調服

此方端治男婦慣發痧脹服此永不再發 兼治血迷心竅不省人事婦人產後心腹絞痛及腹瘀血作痛者

### 白虎湯

熟石膏五錢 知母三錢 甘草一錢 粳米一撮 加竹葉名竹葉石膏湯

此方端治傷暑發痧神效 兼治濕病身熱自汗口乾脈來洪大及霍亂一切暑病 解曰病在陽明肌內則巨陽之表邪已解矣故外不惡寒又無頭痛身疼之症但自汗出而發熱也經曰熱淫所勝佐以苦甘以知母甘草解熱蓋熱則傷氣用粳米甘草之甘以益氣且治不得眠而煩躁也煩者肺也躁者腎也以石膏為君佐知母之苦以清腎之源因石膏體堅而重墜知母沉寒而走下故用米草之甘以緩之使不遽達于下焦也名之曰白虎者以白虎為西方金神而司秋令暑火之氣至秋而衰且知母之苦寒又能保太陰肺金之氣故名之曰白虎

內傷外感

痧脹方

卷五

四

益元散

虎以為三陽經一解表藥耳雖是三陽經解表切記有汗常施無汗當戒也蓋無汗者必須柴葛升麻以解其表邪不可見其身熱候用白虎以過其熱而使之內陷也  
滑石六兩 甘草一兩 每末三錢暑月涼水調服 加硃砂名辰砂六一散  
此方端清暑熱利小便止渴除煩降火利竅之劑也 余治小兒身熱咳嗽微帶驚風者用燈心湯調服之屢屢有效

大羌活湯

防風 防已 羌活 獨活 蒼朮 白朮 黃芩 黃連 細辛 衆草各一兩 川芎 知母 生地各二兩 俱咀化每用一兩半水煎得清藥一盞蓋熱飲之不解再服  
此解利兩感神方也若痧症與此相似亦以此方加減而選用之 經曰兩感者死不治一日太湯與少陰俱病頭痛發熱惡寒口乾煩滿而滿也自鼻息而自背俞而八人所共知少陰者勝也自鼻息而自背俞而八人所共知少陰者寒邪無形之氣從鼻而入腎為水流通于天故受之又曰天之邪氣感則害人五臟以是知內外兩感驕隨俱病欲表之則有裡欲下之則有表表裡既不能一治故死矣然所察有虛寔所感有淺深虛而感深者必死寔而感淺者猶或

可治治之而不能救者有之矣未有不治而得

### 治腋香櫟丸

陳香櫟四兩 去白廣皮 醋三棧 醋蓬木  
澤瀉 茯苓各二錢 醋香附三兩 炒薏子  
六兩 青皮去穢 淨查肉各一兩 神曲糊  
丸每服五六十九米飲下

此方或水或氣或食俱治

### 加味活命散

土炒穿山甲 金銀花 大黃各三錢 去白  
陳皮 歸尾各錢半 花粉 薄荷 赤芍  
生地 白芷 乳香 甘草節 防風 貝母  
各一錢 沒藥 角刺各五分 水煎空心服

忌醋并諸毒物 此方尚治痧後一切留滯熱毒發為腫毒發背  
疔疽其加法開列于後

毒在背加皂角刺一錢半  
毒在面加白芷一倍  
毒在胸加瓜蒌仁二錢

毒在頭項手足加金銀花五錢

### 祛瘴辟瘟丹

厚朴 蒼朮 羌活 防風 陳皮 枳實  
香附 牛蒡子 各一錢 檳榔 白芷 各八分  
藿香 川芎 各五分 細辛 四分 甘草 三分

分加葱白 加減法開列于後

內傷外感 痧脹疔

卷五

經

加減聖效散

無汗加蘇葉薄荷  
身重汗出加防己石膏  
大便便秘結加大黃  
遍身疙痞腫痛加藍葉姜蚕大黃  
頭疼加川芎

肌肉發紅黑紫斑加元參青黛蓮喬  
先中暑又中暑加白虎湯香茹  
咳嗽涕唾頭目昏眩加旋覆花荆芥

風濕身體灼熱加黃芩黃連黑山梔  
此本方端治感受時行不正之氣瘟疫瘧疾瘴男

婦老幼皆同者  
厚朴 藿香葉 防風 製蒼朮 柴  
胡 獨活 澤瀉 枳殼 石菖蒲 細辛 各

五錢 獨活 澤瀉 枳殼 石菖蒲 細辛 各  
胡索各八錢 陳皮 炒砂仁 炒薏子 元

每服五錢不計時煎溫服取遍身微汗即愈時  
氣不和空心飲之可辟邪疫原名聖散子即

東坡守杭時設劑療疫全活萬人之方也如有  
痧症相類者用此以治之亦無不效

此方端治傷寒時行疫瀉陰陽兩感表裡未辨  
或外熱內寒或外寒內熱肢節拘急頭項腰脊

疼痛發熱惡寒嘔逆喘咳鼻塞聲重及飲食生  
冷傷在胃脘胸膈飽滿腸胸脹痛心下痞結手

足逆冷腸鳴洩瀉水穀不消小水不利等症

足逆冷腸鳴洩瀉水穀不消小水不利等症

硫礬丸

明礬 硫黃 各四兩 先將二味用豆腐漿在砂礬內煮一日夜取去豆腐渣仍入罐慢火熬至乾燥礬盛二藥埋地深三尺三日夜取出礬化紫金色再下一層有泥渣不用然後再將扶苓 山藥 各三兩 同蒸晒露一宿 酒炒當歸 酒炒 白藥 各四兩 烏藥 畧炒 熟半夏 三兩 杏仁 焙一兩半 去白陳皮 炒小茴 各一兩 棗肉 九清晨 鹽湯下一錢半臨臥白湯下一錢 此方為斷除痧根之神劑 有人病痧十年或十日半月或一季半年發則痛不可忍叫喊整人髓即暈死或用探吐或用醋炭熏鼻并用華陀危病方畧得解醒後用此丸全愈遂得除根此病已入骨髓百無一救今幸而得此且余屢用而多效真神方也 附華陀危病方 吳萸 木瓜 食鹽各五錢同炒焦 用砂礬 盛水三杯煮百沸隨病人冷熱任意服之即甦

又痧脹隨宜便用救急小方十九

陰陽水涼水滾水各半或井水河水各半

細辛為末砂仁湯冷調服 此治氣阻受寒痧

晚蚕沙爲末白湯冷服

羊糞一把滾水泡蓋一時取上面清湯冷極服之

白沙糖攪梅水服黑砂糖亦可

童便連飲數碗

泥漿水 路上受暑痧用仰天皮水攪澄清飲之

菜豆湯稍溫服做菜豆粉泔水亦可

麻油一盞灌下牙關緊挾口灌之

蘆根湯微溫服

菜油二兩麝香一錢昏迷不省欲死者灌下立甦

蘿蔔菜作湯飲

伏龍肝泡水飲

生豆腐漿服碗許

絲瓜葉搗汁飲之 亦可治霍亂

生黃豆細嚼不豆腥氣可用辨試是否痧症

芋芳連皮毛生嚼是痧便不麻口可用辨試

燒鹽湯待冷不拘多少灌下探吐

以下二方乃吐新食阻滯  
痧毒之法必多飲方吐

明礬研末陰陽水調服二錢亦可探吐多則用至三錢

以上六十四方古方十七小方十九皆錄養吾原本

